

Zaraitzuera aztertzeko ekarpen berriak (3 - Eaurta: bukaera)

KOLDO ARTOLA*

Oraingo saio honetan Eaurtako euskara aztertzeari eskaintzen ari gatzaizkion lanaren azken zatiari eutsiko diogu, horretarako ‘nor-nori-nork’ saileko aditz laguntzaileak zein bere lekuaren kokatuz. Hemendik aurrera, baina, aditz tripartitual hauek kokatzeko prestatu ditugun jarraiko tauletan –6.etik 11.erainokoa, alegia– datuak garbiro azaltzen direnez eta lana, berez aski astuna, sobera ez luzatzearagatik ez dugu adizki bakoitzari egokituriko adibiderik emango, orain arteko saioetan egin dugun moduan, grabazioetatik ateratako bakarren bat izan ezik, nahiz, inoiz, hauekin erkatzeko egoki iruditu zaigun eskuz harturiko besteren bat orobat ekarrako den.

Taula 6

Aditz laguntzaile iragankorra (nor-nori-nork - ‘zuk –edo xuk–... niri’):
6-01 - 6-12, orainaldioko singularra; 6-13 - 6-24, iraganaldioko singularra.

adizki -zenbakia	eredua eusk. batuan	Eaurta 1872	Eaurta 1989-93
6-01 a	didazu	dadazu	
6-01 b	id. (xuka)		dadaxu
6-02	didak	dadak	dadak
6-03	didan	dadan	dadan
6-04	dit	dada	dada
6-05	tok. alok	diadak	diadak
6-06	nok. alok	diadan	diadan
6-07 a	zuk. alok	diadazu	
6-07 b	xuk. alok		diadaxu
6-08	didazue	dadazie	dadazie
6-09	didate	dadaye	dadae
6-10	tok. alok	diadayek	diadaek
6-11	nok. alok	diadayen	diadane
6-12 a	zuk. alok	diadazie	
6-12 b	xuk. alok		diadaxe

adizki -zenbakia	eredua eusk. batuan	Eaurta 1872	Eaurta 1989-93
6-13 a	zenidan	zinadan	
6-13 b	id (xuka)		xinadan
6-14	hidan	adan	yadan, iadan
6-15	hidan	adan	yadan, iadan
6-16	zidan	zadan	zadan
6-17	tok. alok	ziadakan	ziadakan
6-18	nok. alok	ziadanan	ziadanan
6-19 a	zuk. alok	ziadazun	
6-19 b	xuk. alok		ziadaxun
6-20	zenidaten	zinaden	zinaden
6-21	zidaten	zadaven	zadaen
6-22	tok. alok	ziadayekan	ziadekan
6-23	nok. alok	ziadayenan	ziadaenan
6-24 a	zuk. alok	ziadazien	
6-24 b	xuk. alok		ziadaxen

* Donostiako ARANZADI Zientzi Elkarteko Etnografia Mintegikoa.

Esker biziak eman nahi dizkiot, arazo gehienbat gramatikalak direla-eta, laguntzaile izan dudan Xabier semeari, Euskal Filologian lizentziatua.

<u>adizki-zk.</u>	<u>adibideak</u>
6-01 b	SK: xúk emán dadaxú pelótara
6-02	PA: emán dadák
6-03	CK: ík sáldu dadán étxea éni
	PA: emán dadán
6-04	CK: orái errán dadá
	SK: apézak emán dadála
	CK: kor, katxárro korrék, akáitzen dará... bístara
6-07 b	SK: tíak emán diadaxú sagárra
	JU: emán diadáxu líbrua
6-08	CK: sáldu zié; (zuzenduz:) sáldu dadazié éni (hots, Carmelok aurrenik era bipertsonala emanik ere ondoren zuzendu egin zuen, 6-14, 6-17, 6-22 eta 6-41 zk. etako adibideak ematean gisa berean jokatuz)
	PA: zék sáldu dadázie étsea
6-09	PA: sáldu dadaé
	JU: nióxu kóntent, adískídiek emán baitadáe... líbru bat sólo
	SK: pelóta... aixkídeek eman dadaéna xú zúri
	SK: orái erráten bádia(d)é... (era bitxia hauxe, izan ere 'dadae' gisako adizkia da arruntena Zarrantzun)
6-12 b	PA: sáldu diadáxe étsea
	JU: emán diadaxé líbrua (nola gehiago, 'diadaxe' edo 'diadaxie'? galdetu genion Javierari, eta hark: 'diadaxé, corto')
6-13 b	SK: báxu bízpur úrte sáldu xínuen; (zuzenduz:) sáldu xinádan étsea
	PA: xúk atzó emán xinadán sagárra
6-14	CK: sáldu iuén étxea éni; (zuzenduz:) ík sáldu iadán étxeña
	PA: sáldu yadán
	PA: emán yadán
6-15	CK: ík àtzo sáldu iadán étxea, María
	PA: emán yadán
6-16	CK: ta géro, errán zádan... SK: abuélak ere bái, sáldu xadán; (zuzenduz:) sáldu zadán JK: éni emàten zádan, zómat...?
	PA: eta dirúa artú ta ordúan, órduan, eskríturará egórri zadá(n) CK: ta náusi... erákutsi zadának, dèitzen zén Pascual Estaboli-te
6-17	CK: áitak sáldu zikán étxea; (zuzenduz:) sáldu ziadakán
	PA: emán ziadakán
6-19 b	PA: saldú ziadaxún JU: errán ziadáxun JU: eta... arék èrran ziadaxún, mutíko korí –erákutsi ziadaxún fotóan–, mutíko kórre (sic) zéla SK: maestroák èman zadáxun azóte bat (era alokutiboen barruko <i>i</i> -aren galera maizago nabaritzen dugu Salvadorren erantzunetan gainerako informatzaileenetan baino; ikus, halaber, 6-24-b zk. ko haren erantzuna)
6-20	SK: emán zinadaén ságár

- PA: eman zinadaén
 6-21 SK: aixkídeek sáldu zadaién, sáldu zadaén
 (bi adizki hauetatik Salvadorrek azkena hobetsi zuen)
 CK: nik, uskára... ikási nuén... étsen; eskólan... etzádaén erá-kutsí
 6-22 CK: sáldu ziékan; (zuzenduz:) sáldu ziadaekán
 PA: emán ziadaekán
 6-24 b PA: sáldu ziadaxén bérek
 JU: emán ziadaxén
 SK: aixkídiek sáldu zadáxien

6-25 - 6-36, orainaldiko plurala; 6-36 - 6-48, iraganaldiko plurala.

adizki -zenbakia	eredua eusk. batuan	Eaurta 1872	Eaurta 1989-93
6-25 a	dizkidazu	daztazu	
6-25 b	id. (xuka)	daztaxu	
6-26	dizkidak	daztak	daztak
6-27	dizkidan	daztan	daztan
6-28	dizkit	dazta	dazta
6-29	tok. alok	diaztak	diaztak
6-30	nok. alok	diaztan	diaztan
6-31 a	zuk. alok	diaztazu	
6-31 b	xuk. alok		diaztaxu
6-32	dizkidazue	daztazie	daztazie
6-33	dizkidate	daztaye	dazta(i)e, dazte
6-34	tok. alok	diaztayek	diaztaek
6-35	nok. alok	diaztayen	diaztane
6-36 a	zuk. alok	diaztazie	
6-36 b	xuk. alok		diaztaxe

adizki -zenbakia	eredua eusk. batuan	Eaurta 1872	Eaurta 1989-93
6-37 a	zenizkidan	zinaztan	
6-37 b	id. (xuka)		xinaztan
6-38	hizkidan	aztan	yaztan, iaztan
6-39	hizkidan	aztan	yaztan
6-40	zizkidan	zaztan	zaztan
6-41	tok. alok	ziaztakan	ziaztakan
6-42	nok. alok	ziaztanan	ziaztanan
6-43 a	zuk. alok	ziaztazun	
6-43 b	xuk. alok		ziaztaxun
6-44	zenizkideaten	zinaztayen	zinaztaen
6-45	zizkideaten	zaztayen	zaztaen
6-46	tok. alok	ziaztayekan	ziaztakan
6-47	nok. alok	ziaztayenan	ziaztanen
6-48 a	zuk. alok	ziaztazien	
6-48 b	xuk. alok		ziaztaxen

- 6-25 b SK: zuk emán daztáxu guziák
 (Espartzan honela, orobat, eta baita *daztaxtu* ere. Izenordea, baina, zuketan eman zuen Salvadorrek eta adizkia xuketan)
 6-26 CK: emán dazták sagárrak
 6-28 SK: apézak eré eman daztá
 6-29 CK: aíták eré emán diazták orái berián
 6-30 CK: emán diaztán sagárrak
 6-31 b PA: sáldu diaztaxú
 JU: emán diaztáxu líbruak
 SK: emán daztáxu
 (oroi bedi 6-19-b zk.ko Salvadorren erantzunari eginiko iruzkina, tarteko *i*-aren galerari dagokionez; ikus bitez, gisa berean, 6-36-b, 6-43-b eta 6-48-b zk.etako adibideetan, akats bera agerian ezartzen duten erantzunak ere. Informatzaile honengan hain nabaria den gabezia ez da, dena den, hemendik aurrera gehiago aipatuko)
 6-32 CK: emán daztazié
 PA: emán daztazié ení
 PA: sáldu daztázie guziák
 6-33 SK: emán daztái
 JU: nióxu kóntent, adískídiek emán baitázte
 ('baitazte' edo 'baitatzae?' galdu genion, hark *bai, bai...* erantzunez, biak ontzat emanet, antza)
 PA: aixkídeek emán daztaénak ítuen ónik
 6-34 CK: emán diaztaék
 PA: emán diaztaék

- 6-35 CK: emán diaztané
PA: emán diaztáne
(Pablo izan zen kasu honetan, tokako eta nokako alokutiboak era-biltzean, azentuera desberdina erabili zuena)
- 6-36 b PA: sáldu diaztaxé
JU: apézek emán diaztáxe
SK: aixkídeek eré emán daztáxie
- 6-37 b SK: xúk emán xinádan; (zuzenduz:) emán xináztan ságar guziák
(Salvadorrek, honetaz gainera, *zinaztaxun* era nahasi bezain behar-gabe edo erredundantea eman zuen)
PA: áita, xúk átzo emán xinaztán guziák
JU: emán xinaztán lìbru guziák
- 6-38 CK: ík emán iaztán sagár guziák átzo
PA: sáldu yaztán
JU: emán yaztakán
(Javierak, *yaztan* ez aski, nonbait, eta honakoa bota zuen, era zuzen batí alokutiboari erantsi ohi zaion bukaera beharrik gabe erantsiz)
- 6-39 PA: sáldu yaztán
- 6-40 SK: maéstroak emán zaztán guziák
- 6-41 CK: áitak sáldu ztikán étseak; (zuzenduz:) sáldu ziaztakán
PA: sáldu ziaztakán
- 6-43 b PA: sáldu ziaztaxún
SK: anáiac eré sáldu zaztáxun
- 6-44 PA: sáldu zinaztáen
- 6-45 SK: emán zinadaén, zinaztaén guziák (plurala laguntzaz emana)
- 6-45 SK: aixkideék eman zadaén, zaztaén (plurala laguntzaz emana)
PA: étseak, sál zaztaénak aixkídeek, yítuen zúrez
- 6-46 CK: sáldu ztiekán; (zuzenduz:) sáldu ziaztaekán
PA: sáldu ziaztaékan
- 6-48 b PA: sáldu ziaztáxien
JU: emán ziaztaxén
SK: kósinék, emán zaztaxiéen guziák
(Salvadorrek frantsesatik, mailegu gisa, hartu ‘cousin’ hau ‘lehengusu’ baldin bada ere, Carmelok, 7-18 zk.ko adibidean, *guzialen* era-biliko du ‘lehengusu propio’ esanahiaz)

Taula 7

Aditz laguntzaile iragankorra (nor-nori-nork - ‘zuk –edo xuk–... guri’):
7-01 - 7-12, orainaldiko singularra; 7-13 - 7-24, iraganaldiko singularra.

adizki -zenbakia	eredua eus. batuan	Eaurta 1872	Eaurta 1989-93	adizki -zenbakia	eredua eus. batuan	Eaurta 1872	Eaurta 1989-93
7-01 a 7-01 b	diguzu id. (xuka)	daukuzu	daukixu	7-13 a 7-13 b	zenigun id (xuka)	zinaukun	xinauki
7-02	diguk	daukuk	daukik	7-14	higun	aukun	yauki
7-03	digun	daukun	daukin	7-15	higun	aukun	yauki
7-04	digu	dauku	dauki	7-16	zigun	zaukun	zauki
7-05	tok. alok	diaukuk	diaukik	7-17	tok. alok	ziaukukan	ziauki(k)an
7-06	nok. alok	diaukun	diaukin	7-18	nok. alok	ziaukukan	ziaukinan
7-07 a 7-07 b	zuk. alok xuk. alok	diaukuzu	diaukixu	7-19 a 7-19 b	zuk. alok xuk. alok	ziaukuzun	ziaukixun
7-08	diguzue	daukuzie	daukizie	7-20	zeniguten	zinaukuyen	xinauki
7-09	digute	daukuye	daukie	7-21	ziguten	zaukuyen	zauki
7-10	tok. alok	diaukuyek	diaukiek	7-22	tok. alok	ziaukuyekan	ziaukiek
7-11	nok. alok	diaukuyen	diaukine	7-23	nok. alok	ziaukuyenan	ziaukienan
7-12 a 7-12 b	zuk. alok xuk. alok	diaukuzie	diaukix(i)e	7-24 a 7-24 b	zuk. alok xuk. alok	ziaukuzien	ziaukix(i)en

<u>adizki-zk.</u>	<u>adibideak</u>
7-01 a	SK: zuk sáldu dáukizú étxea
7-01 b	PA: xúk sáldu daukixú (Espartzan honela: <i>xúk eman daugixu sagárra</i>)
7-02	CK: emán daukík sagárra
7-03	CK: ík sáldu daukín gúri étxea
7-04	PA: niók kontént ápezak sáldu báitaukí ¹ étsea JU: aitá, giáudetxu kóntent porque ámigöök emán baitaukí líbröa; èman... baitáuki ² SK: étxe... abuélok sáldu daukién étxea da xúri PA: apézak sáldu daukién étsea dük zúri (esaldi erlatibo hauetan, ohiki, 'hark guri hora' [<i>dauki + -(e)n</i>] eta 'haiet guri hora' [<i>daukie + -(e)n</i>] emaitza bera izan dezakegu)
7-07 b	PA: sáldu diaukixú SK: abuéloak eré sáldu daukíxu (Salvadorrek baina, hala arestiko 7-04 zk.ko erantzunean nola 4-40 delakoan, <i>abuélok</i> eman zuen, mugatu gabe, agian haren beraren aitaxi edo, buruan zuela)
7-08	PA: zék sáldu daukizié étsea
7-09	PA: étse sáldu daukiéna ³ dük... búrdina JU: aitá, giáudetxu kóntent, porque... ámiguék emán baitaukí líbru bat (<i>baitaukie</i> itxaron zitekeen kasu honetan, zalantzarik gabe)
7-11	CK: sáldu diaukíne bát sólo
	SK: sáldu daukíne
7-12 b	PA: sáldu diaukíxie JU: aitá, amíguek, emán diaukíxie... líbru bat JU: sáldu diaukíxe SK: arástian sáldu daukixié
7-13 a	SK: sáldu zináukun étxea (adizkia laguntzaz eman) (gure aldetik adizki honen ordez, agian, <i>zinaukin</i> edo <i>zinaukien-en</i> aldeko proposamena egin beharko baguen ere, Salvadorrek, 'hark gu-

¹ Emaitza desberdina dugu XX. mendean bukaera aldean Eaurtan bildu dugun *dauki* eta XIX. mendean jaso zen *dauku-ren* artean. Aspaldiko dotrinetan azken era honetakoak dira nagusi; honela, Eaurtakoan, *cer eracustendaucu Doctrina Sanducu* (*sic*) *lemizico parteac*²; Otsagikoan, *Cristoc eracusten daucuna bezala*; Orontzekoan, *aita comfesoreac* (*sic*) *ematendaucum* (*sic*) *penitenciaren cumplicea*; Itzallekoan, *eta vercean emanen daucula gloria sandua*; eta Igarikoan, azkenik, *Jangoicoac ematen daucuna requin contentaguitela*. Espartzan ordea, *dauge* eman zigun Jacinto Ramírez informatzaile bikainak –pluralean, logika beretik, *dauzki-*, nahiz herri honexetako Telesfora eta Nicolás Elarre anaiarrebek emaitza desberdinak eman zituzten: *gautza guti erman daukuzie gureganik* moduko esaldia bildu bai-kenion behin aipatu andereari, eta *emazte karek egiten ziaukixun bazkaria* moduko beste bat, haren anaiai.

² Taula honetako Javieraren erantzunetan *-auki-* ageri da, 2. Taulakoak ematean, nagusiki, *-auku-* delakoaren aldeko hautua egin bazuen ere. XIX. mendeko emaitzak aztertzean ere, dena den, *zaiku* dugu 'hura guri' kasuan (2-12 zk.) eta *dauku* 'hark guri' delakoan (7-04 zk.), Espartzan, 1991-92an eta bi kasuotarako, *zaugi* eta *dauge* gisako emaitzak –egiturari dagokionez, bederen, haiet baino logikoa– bildu ditugula.

³ Orontzeko dotrinan, XIX. mendean Eaurtan bildu eta koadroetan ageri denarekin bat, 'dauku-y' dugu: *cala nola gue parcatzen baitrauztegu guri gaizqui eguindauzuyener*. Eta Itzallekoan ere gauza bera: *cala nola gue parcazenbaitaztegu munducontan ofensa eta agravio eguindauzuyen gucer*. Otsagin eta Ezkarozan, ordea, gure egunotan, *daukie* bildurik gaude.

		ri' kasurako –7-16 zk.ko adibidea–, <i>zaukun eman zuela kontuan har-tuz, zinaukun honek ez dirudi hain desegokia)</i>
7-13 b	PA:	xuk sáldu xinaukién étxea (iraganaldiko adizki hauen bukaera dela eta, ustez 'xuk guri', 'hik gu-ri' eta 'hark guri' kasuetarako logikoagoak liratekeen <i>xinaukin</i> , (<i>i</i>) <i>au-kin</i> , <i>zaukin</i> (sing.) eta <i>xinauzkin</i> , (<i>i</i>) <i>auzkin</i> , <i>zauzkin</i> (plur.) adizkien ordez –baina batzuetan hauekin batera ere– - <i>kien</i> bukaeradunak ditugu, honen ondorioz zenbait aldiz nahasmena sortzen dela. Espartzan ere, dena den, bukaera bereko erantzuna jaso genuen kasu honetarako: <i>xinaugien</i>)
7-14	CK:	ík sáldu iaukín, góri, étxea
	PA:	sáldu yaukién
7-15	CK:	fan dén astián saldú yaukién, saldú iaukién étxe bat (' <i>iaukin, iaukien, yaukien...</i> zein ongiena?' Carmelori galdeitu eta hark <i>iaukien</i> erantzun zuen)
	PA:	sáldu yaukién
7-16	SK:	apézak eré sáldu zaukún góri
	PA:	gaudék kontént apézak sáldu báizáukien étsea (esanguratsu bezain deitoragarria Pablok, esaldiaren hasierako 'egon' aditzetiko era trinkoa ematean, agerian ezarri tarteko <i>i</i> -aren galera; horretan Javierak finki jokatu zuen beti, jarraiko esaldian ikus daitekeenez)
	JU:	giaudétxu kóntent apézak sáldu baitzaukién étxea (Espartzan <i>zaugien</i>)
7-17	PA:	apézak sáldu ziaukián
	JU:	sáldu ziaukíkan
	CK:	emán zaukikán (<i>i</i> -aren tartekapenik gabeko adizki hau agian, honetarako baino ego-kiago, 'hark hiri hora' kasurako izan liteke)
7-18	CK:	guziálenák erosi ziaukinán étxea (adizkia laguntzaz emana) (Azkuek, <i>guzialen</i> (BN-s), prima carnal, <i>cousine germane</i> dela dio. Carmelok berak hala ere, beste une batean, esanahia zehaztu nahiz nonbait, zera esan zuen: <i>orrén emázttea eta ní, kosín guziálen</i> ⁴)
	PA:	apézak sáldu ziaukinán
7-20	SK:	emán zináukien
	PA:	sáldu zinaukién
7-21	SK:	aixkideék eré sáldu záukien
	PA:	sáldu zaukién
7-22	JU:	sáldu ziaukiékan (adizkia laguntzaz emana)
7-23	PA:	sáldu ziaukienán
	CK:	arixkídek eré emán zaukienán eltzáur bat (beste zenbait alditan –3-67 eta 3-74 zk.etako erantzunetan, adibidez– <i>giltzáur</i> eman zuen Carmelok)
7-24 b	PA:	sáldu ziaukixién
	JU:	bát gérran il... ziaukixièn
	JU:	sáldu ziaukíxen
	SK:	sáldu zaukíxien

⁴ Mitxelenak prestatu *Un vocabulario aezcoano, salacenco...* izenburuko lanean, *guzialen* ageri da zaraitzueraz, galdera-ikur batez lagundurik bada ere.

7-25 - 7-36, orainaldiko plurala; 7-37 - 7-48, iraganaldiko plurala

adizki -zenbakia	eredua euskar batuan	Eaurta 1872	Eaurta 1989-93
7-25 a	dizkiguzu	dauzku	
7-25 b	id. (xuka)	dauzkitxu	
7-26	dizkiguk	dauzkuk	dauzkik
7-27	dizkigun	dauzku	dauzkin
7-28	dizkigu	dauzu	dauzki
7-29	tok. alok	diauzkuk	diauzzik
7-30	nok. alok	diauzku	diauzkin
7-31 a	zuk. alok	diauzku	diauzkitxu
7-31 b	xuk. alok		diauzkitxu
7-32	dizkiguzue	dauzkuie	dauzkitzie
7-33	dizkigute	dauzkuye	dauzkie
7-34	tok. alok	diauzkuyek	diauzkiek
7-35	nok. alok	diauzkuyen	diauzkine
7-36 a	zuk. alok	diauzkuie	diauzkitx(i)e
7-36 b	xuk. alok		diauzkitx(i)e

adizki -zenbakia	eredua euskar batuan	Eaurta 1872	Eaurta 1989-93
7-37 a	zenizkigun	zinauzku	
7-37 b	id. (xuka)		xinauzkien
7-38	hizkigun	auzku	yauzki
7-39	hizkigun	auzku	yauzki
7-40	zizkigun	zauzku	zauzki, zauzkin
7-41	tok. alok	ziauzku	ziauzkian
7-42	nok. alok	ziauzkuna	ziauzkinan
7-43 a	zuk. alok	ziauzku	
7-43 b	xuk. alok		ziauzkitxu
7-44	zenizkiguten	zinauzkuyen	zinauzkien
7-45	zizkiguten	zauzku	zauzki
7-46	tok. alok	ziauzkuyekan	ziauzkiekan
7-47	nok. alok	ziauzkuyenan	ziauzkienan
7-48 a	zuk. alok	ziauzku	
7-48 b	xuk. alok		ziauzkitx(i)en

adizki-zk.

- 7-25 a SK: arástian sáldu dauzkúzu
(Azkue: Arastian (R), hace poco tiempo, *il n'y a pas longtemps*. Hots, erronkariartzat jo zuen balizko asimilazioa aurkezten duen hitz hau)
- 7-25 b PA: xúk emán dauzkitxú
(Espartzan ere, xuketan, *dauzkitxu* edota *dauzkixu*)
- 7-26 CK: emán dauzkík sagárrak
PA: sáldu dauzkikán étseak túk pól(l)it
- 7-28 SK: apézak sáldu dauzkí (adizkia laguntzaz emana)
PA: apézak emán dauzkí
- 7-31 b JU: apézak sáldu diauzkítxu
PA: zék sáldu diauzkitzié étseak
(Pablok, ‘zuek niri haiek’ kasuan *daztazie* emanik ere –6-32 zk.ko erantzuna–, oraingo ‘zuek guri haiek’ honetan *dauzkitzie* erabili zuen)
- 7-32 SK: sáldu dáuzkie (adizkia laguntzaz emana)
PA: emán dauzkie
- 7-33 JU: aitá, giáudetxu kóntent, amigúek èman baitauzkié líbröak
CK: emán diauzkiék égun
- 7-34 PA: Severiano, aixkídiek, sàldu diauzkiék orái guziák
- 7-35 CK: emán diauzkíne (adizkia laguntzaz emana)
PA: Severa, aixkídiek saldú diauzkiné [-kiñé?] kotxé guziák
- 7-36 JU: sáldu diauzkítxе ètse guziák
PA: sáldu xináuzkién guziák
(Espartzan ere honela)
- 7-37 b CK: ik èman yauzkién átzo (adizkia laguntzaz emana)
PA: sáldu yauzkién
- 7-39 CK: sáldu yauzkién ánitz
PA: sáldu yauzkién
- 7-40 SK: sáldu zauzkín
PA: emán zauzkién ságár guziák
(Espartzan ere *zauzkien*, ‘haiet guri haiet’ kasuan bezala)
- 7-41 PA: sáldu ziauzkián guziák
PA: sáldu ziauzkinán
- 7-42 CK: emán zauzkínán guziák
(Pabloren erantzunak osoagoa dirudi Carmelorenak baino)

adibideak

- 7-44 PA: zék sáldu zinauzkién
(Espartzan ere honela)
- 7-45 PA: emán zauzkién
(Espartzan ere berdin)
- 7-46 PA: Severiano, átzo, aixkíd(i)ek, sàldu z(i)auzkiekán etsé guziák
CK: emán zauzkiekán xúriak
- 7-47 PA: Severa, átzo aixkídek sàldu z(i)auzkienán etsé guziák
(Pabloren azken bi adibideetako tarteko -i- horiek ez dira ia aditzen)
- 7-48 b PA: sáldu ziauzkitxién
JU: sáldu ziauzkítxen
SK: sáldu zauzkitxién

Taula 8

Aditz laguntzaile iragankorra (nor-nori-nork - 'nik... zuri –edo xuri–'): 8-01 - 8-12, orainaldiko singularra; 8-13 - 8-24, iraganaldiko singularra

adizki-zenbakia	eredua eusk. batuan	Eaurta 1872	Eaurta 1989-93	adizki-zenbakia	eredua eusk. batuan	Eaurta 1872	Eaurta 1989-93
8-01 a	dizut	dauzut		8-13 a	nizun		
8-01 b	id. (xuka)		dauxut	8-13 b	id. (xuka)	nauzun	
8-02	id. (toka)	dabat	dabat	8-14	id. (toka)	naukan	naukan, naukikan
8-03	id. (noka)	daunat	daunat	8-15	id. (noka)	naunan	naunan
8-04 a	dizu	dauzu		8-16 a	zizun	zauzun	
8-04 b	id. (xuka)		dauxu	8-16 b	id. (xuka)		zauxun
8-05	id. (toka)	dauk	dauk	8-17	id. (toka)	zaukan	zaukan, naukikan
8-06	id. (noka)	daun	daun	8-18	id. (noka)	zaunan	zaunan
8-07 a	dizugu	dauzugu		8-19 a	genizun	ginauzun	
8-07 b	id. (xuka)		dauxugu	8-19 b	id. (xuka)		ginauxun
8-08	id. (toka)	dabagu	dabagu	8-20	id. (toka)	ginaukan	ginaukan
8-09	id. (noka)	daunagu	daunagu(n)	8-21	id. (noka)	ginaunan	ginaunan
8-10 a	dizute	dauzie		8-22 a	zizuten	zauzien	
8-10 b	id. (xuka)		dauxie	8-22 b	id. (xuka)		zauxien
8-11	id. (toka)	dabek	da(u)be, dabae	8-23	id. (toka)	zayekan	zaben, zauk(a)en
8-12	id. (noka)	daben	daune, dabane	8-24	id. (noka)	zayenan	zaunen

adizki-zk.adibideak

- 8-01 a SK: ník emán dauzut zúri pelótara
JU: eztozút (...) erràn... ez-ez
- 8-01 b PA: sáldu dauxút
JU: zàrratrakéria xardókitzen dauxút
(zarratapedia aditzen ote den dirudi, baina andere Columbak argitzen digunez, zarratrakeria da hori, ezertarako balio ez duen zerbaite, alegia)
JU: ez-ez...(ez)toxút erran
(au diptongoaren eta o-ren arteko lehia dela eta, Javierak, 3-21 zk.ko adibideetan, nauken eman zuen arren –adibide horiexetan Pablok *noken*-, oraingo honetarako *dauxut* eta *doxut*, biak eman zituen)
- 8-02 CK: ník emán dabát orái bérían sagárra
(bérían horrek azentua non daraman ikusita *ia* diptongoa gauzatzea harrigarra ez bada ere, Carmelok berak, 4-14 eta 4-15 zk.ko erantzunetan, bietan, kótxean eman zuen, hitzaren bukaera diptongatu gabe; alabaina, 4-32 zk.ko esaldian, oraingo kasu honetan ez bezala, *berián* eman zuen, zaraitzueraren azentuera, behin baino gehiagotan esan dugun moduan, oso finkaturik ez dagoen seinale)
PA: erran dabát ápezak ikusi nintzálá átzo
(au + a = aba dugu mintzamolde honetako hitz askotan; izan ere, tau-la honetako adibideetan *dabat*, *dabagu*, *dabae*... gisako emaitzak iza-teaz gainera, 3-32 zk.ko adibideetan ere *abaltzen* [= ‘afaltzen’] ageri zai-

	gu, alde batetik – <i>auhari</i> aditurik baikaude behe-nafarreraren esparruko zenbait lekutan–, eta <i>gabaz</i> ⁵ bestetik)
8-03	CK: ník emán daunát
8-04 a	SK: anáiak eré éman dauzú
8-04 b	PA: sáldu dauxú
8-07 a	SK: gúk eré éman dáuzugu
8-07 b	PA: sáldu dauxugú
8-08	CK: emán dabagú
	PA: sáldu dabágu
8-09	CK: emán daunagú
	PA: sáldu daunágun
8-10 a	SK: askáziek eré éman dáuzie
8-10 b	PA: sáldu dauxié
8-11	PA: aurridiek sáldu daubé
	PA: ánaiek sáldu dabé
	PA: sáldu dabáe (hiru era desberdin eman zuen Pablok oraingoan)
	CK: emán dabié (Carmelok adizki hau, bitan, berdin eman zuen)
8-12	CK: erósi dauné íri étxea
	PA: sáldu dáune
	PA: sáldu dabáne
8-13 a	SK: erósi nauzún
8-13 b	PA: sáldu nauxún
8-16 a	SK: emán zauzún
8-16 b	PA: sáldu zauxún
8-17	CK: emán zaukán / emán zaukikán (Carmelok, lehenik, bi erantzun hauetatik bigarrena eman zuenez, galduen genion: – eta ‘eman zaukan?’ – <i>obéki diók</i> hark orduan)
8-18	CK: emán zaunán
8-19 a	SK: emán gináuzun (adizkia laguntzaz emana)
	PA: sáldu ginauzún
8-19 b	PA: emán ginauxún xúri
8-22 a	SK: emán zauzién
8-22 b	PA: sáldu zauxién
	JU: sáldu zaux(i)én
8-23	PA: emán zabén
	PA: sáldu zaukaén
	JU: sáldu zaukaén
	PA: fan dén úrtian aixkídiék sáldu zaukén (hots, oraingoan ere lehengo informatzaile berak hiru era desberdin)
8-24	PA: sáldu zaunén
	JU: sáldu zaunén

⁵ Bonaparteren *Le cantique des trois jeunes gens dans la fournaise* izenburuko lanean, baina, *gauac eta egunac* ageri da, zaraitzueraz.

8-25 - 8-36, orainaldiko plurala; 8-37 - 8-48, iraganaldiko plurala

adizki -zenbakia	eredua eusk. batuan	Eaurta 1872	Eaurta 1989-93	adizki -zenbakia	eredua eusk. batuan	Eaurta 1872	Eaurta 1989-93
8-25 a	dizkizut	dauzkizut		8-37 a	nízkizun	nauzkizun	
8-25 b	id. (xuka)	dauzkiat	dauzki(t)xut	8-37 b	id. (xuka)	nauzkan	nauzkiikan
8-26	id. (toka)	dauzkinat	dauzkinat	8-38	id. (noka)	nauzkinan	nauzkinan
8-27	id. (noka)	dauzkinat	dauzkinat	8-39	id. (noka)	nauzkinan	nauzkinan
8-28 a	dizkizu	dauzkizu		8-40 a	zízkizun	zauzkizun	
8-28 b	id. (xuka)		dauzki(t)xu	8-40 b	id. (xuka)		zauzki(t)xun
8-29	id. (toka)	dauzkik	dauzkik	8-41	id. (toka)	zauzkan	zauzkiikan
8-30	id. (noka)	dauzkin	dauzkin	8-42	id. (noka)	zauzkinan	zauzkinan
8-31 a	dizkizugu	dauzkizugu		8-43 a	genízkizun	ginauzkizun	
8-31 b	id. (xuka)		dauzki(t)xugu	8-43 b	id. (xuka)		ginauzki(t)xun
8-32	id. (toka)	dauzkigu	dauzkigu(k)	8-44	id. (toka)	ginauzkan	ginauzkiikan
8-33	id. (noka)	dauzkinau	dauzkinagun	8-45	id. (noka)	ginauzkinan	ginauzkinan
8-34 a	dizkizute	dauzkizie		8-46 a	zízkizuten	zauzkizien	
8-34 b	id. (xuka)		dauzki(t)x(i)e	8-46 b	id. (xuka)		zauzki(t)x(i)en
8-35	id. (toka)	dauzkitek	dauzkie(k)	8-47	id. (toka)	zauzkiyekan	zauzkiekan
8-36	id. (noka)	dauzkiten	dauzkine	8-48	id. (noka)	zauzkiyenan	zauzkienan

adizki-zk.adibideak

- 8-25 a SK: emán dauzkizút pelóta guziák (adizkia laguntzaz emana)
 8-25 b PA: sáldu dauzkitxút
 (adizki hauen bukaeratzat *-txut* eta *-xut*, biak adi daitezke, tauletan ageri bezala⁶)
 8-37 a PA: sáldu nauzkizún
 8-37 b SK: átzo zúri sáldu nauzkitxún (adizkia laguntzaz emana)
 (kasu honetan ere, lehenagoko beste adibideren batean ikusi bezala, izenordea zuketan eta adizkia xuketan dugu)
 PA: sáldu nauzki(t)xún
 8-43 a PA: sáldu gináuzkizún
 8-43 b PA: emán ginauzkitsún (adizkia laguntzaz emana)
 (honela aditu uste izan genuen adizkiaren bukaera kasu honetan: *-tsun*)
 8-44 PA: erosi ginauzkikán
 (aurrenik átzo erosi gintzakán ire étse guzikak eman zuen Pablok)

Taula 9

Aditz laguntzaile iragankorra (*nor-nori-nork* - ‘nik... zuei’): 9-01 - 9-04, orainaldiko singularra; 9-05 - 9-08, iraganaldiko singularra; 9-09 - 9-12, orainaldiko plurala; 9-13 - 9-16, iraganaldiko plurala.

adizki -zenbakia	eredua eusk. batuan	Eaurta 1872	Eaurta 1989-93	adizki -zenbakia	eredua eusk. batuan	Eaurta 1872	Eaurta 1989-93
9-01	dizuet	dauziet	dauziet	9-09	dizkizuet	dauzkiziet	dauzki(t)ziet
9-02	dizue	dauzie	dauzie	9-10	dizkizue	dauzkizie	dauzkizie
9-03	dizuegu	dauzieu	dauzieu	9-11	dizkizuegu	dauzkiziegua	dauzkiziegua
9-04	dizuete	dauzie	dauzie	9-12	dizkizuite	dauzkizie	dauzkizie
9-05	nizuen	nauzien	nauzien	9-13	nízkizuen	nauzkizien	nauzkizien
9-06	zizuen	zauzien	zauzien	9-14	zízkizuen	zauzkizien	zauzki(t)zien
9-07	genizuen	ginauzien	ginauzien	9-15	genízkizuen	ginauzkizien	ginauzkizien
9-08	zizueten	zauzien	zauzien	9-16	zízkizueten	zauzkizien	zauzkizien

⁶ Samperren denboretan ere gisa bereko zalantzak bide zituzten, zuketan idatzi Eaurtako dotiran *-zut* eta *-tzut* gisako bukaerak irakur baitaitezke: *zointan zure honra eta gloriataco ofrecitcendaузquizut nore (...) guiac*, alde batetik, eta *nic ematendauzquitutz graciac, ene Jangoicoa*, bestetik. Itzallekoan, berriaz, *-zut* dugu: *ofrecizen dauzquizut Jauna niaure vici, obra, trabaju guiac*.

adizki-zk.

- 9-01 CK: sáldu dauziét zér étxëa
 9-05 CK: emán nauzién sagár bána, sagár bát sólo
 9-09 CK: sáldu dauzki(t)ziét zér
 (kasu honetan *z(i)er* aditu uste izan genuen datua, eskuz, hartu genuean; orain, baina, hori zalantzan jartzeko modukoa iruditzen zai-gu, gainerako emaitzak ikusita)
 9-13 CK: ník eré emán nauzkizién zér
 9-15 PA: erósi gináuzkizién
 (Carmelok, kasu honetarako, *emán ginauzkién* emana zuenez luzatu genion galdera Pablori, honek erantzun egokia emanez)

adibideak

Taula 10

Aditz laguntzaile iragankorra (*nor-nori-nork* - ‘nik... hari’):

10-01 - 10-20, orainaldiko singularra; 10-21 - 10-40, iraganaldiko singularra

adizki -zenbakia	eredua euska, batuan	Eaurta 1872	Eaurta 1989-93
10-01	diot	dakot	dakot
10-02	tok. alok	diakotat	diakootat
10-03	nok. alok	diakonat	diakonat
10-04 a	zuk. alok	diakozut	
10-04 b	xuk. alok		diakoxut
10-05 a	diozu	dakozu	
10-05 b	id. (xuka)		dakoxu
10-06	diok	dakok	dakok
10-07	dion	dakon	dakon
10-08	dio	dako	dako
10-09	tok. alok	diakok	diakok
10-10	nok. alok	diakon	diakon
10-11 a	zuk. alok	diakozu	
10-11 b	xuk. alok		diakoxu
10-12	diogu	dakogu	dakogu
10-13	tok. alok	diakoagu	diakoaguk
10-14	nok. alok	diakonagu	diakonagun
10-15 a	zuk. alok	diakozugu	
10-15 b	xuk. alok		diakoxugu
10-16	diozue	dakozie	dakozie
10-17	diote	dakove	dakoe
10-18	tok. alok	diakoyek	diakoek
10-19	nok. alok	diakoyen	diakone
10-20 a	zuk. alok	diakozie	
10-20 b	xuk. alok		diakoxe

adizki -zenbakia	eredua euska, batuan	Eaurta 1872	Eaurta 1989-93
10-21	níon	nakon	nakon
10-22	tok. alok	niakokan	niakokan
10-23	nok. alok	niakonan	niakonan
10-24 a	zuk. alok	niakozun	
10-24 b	xuk. alok		niakoxun
10-25 a	zenion	zinakon	
10-25 b	id. (xuka)		xinakon
10-26	hion	akon	iakon
10-27	hion	akon	iakon, yakon
10-28	zion	zakon	zakon
10-29	tok. alok	ziakokan	ziakokan
10-30	nok. alok	ziakonan	ziakonan
10-31 a	zuk. alok	ziakozun	
10-31 b	xuk. alok		ziakoxun
10-32	genion	ginakon	ginakon
10-33	tok. alok	giniakokan	giniakokan
10-34	nok. alok	giniakonan	giniakonan
10-35 a	zuk. alok	giniakozun	
10-35 b	xuk. alok		giniakoxun
10-36	zenioten	zinakoyen	zinakoen
10-37	zioten	zakoyen	zakoen
10-38	tok. alok	ziakoyekan	ziakoekan
10-39	nok. alok	ziakoyenan	ziakoenan
10-40 a	zuk. alok	ziakozien	
10-40 b	xuk. alok		ziakoxen

adizki-zk.

- 10-01 SK: eman dakót emázte kórri ságarra
 CK: ník sagárra emán dakoténa apézari iuén ónik
 10-02 CK: emán diakoát sagár bat
 10-04 b PA: sáldu diakoxut
 SK: emán dakoxút
 (lehenago esan den moduan, xukako alokutiboak ematean Salvadorek ez zuen, Pablok eta Javierak bezala, *i*-aren tartekapena kontuan hartzen, honela eman baitzituen erantzunak: *dakoxut*, *dakoxu*, *dakoxuu* eta *dakoxe*–orainaldian–, eta *nakoxun*, *zakoxun*, *ginakoxun* eta *zakoxen*–iraganaldian–, pluraleko adizkiekin ere gisa berean jokatuz)
 10-05 a CK: zúk emán dakozú
 10-05 b PA: emán dakoxú
 10-08 CK: áitak emán dakón sagárra...
 SK: ságár emán dakóna dá ónik

adibideak

		(esaldi erlatiboak dira hauek biak, egitura desberdinekoak izan arren eta aurrenekoak bukatu gabe geratu bazen ere)
10-11 b	PA: sáldu diakoxú SK: emán dakóxu	
10-12	CK: gúk erràten dakógu... áutxa SK: egózten dakogú, kan, zér bat, líkido bát... guzítik eta... (<i>dakagu</i> aditzen ote den gaude)	
	PA: sáldu dakógu CK: gúk emán dakogún sagárra iuén onik	
10-15 b	PA: sáldu diakoxúgu SK: gúk eman dakoxúu	
10-16	CK: emán dakozié PA: sáldu dakozié	
10-17	CK: gratifikatzen dakoé... zérbait, konténtago egon dadien apéza! (Carmelok berak, beste une batzuetan, subjuntiboko adizki honen aldaera pare bat eskaini zuen: <i>txuka dadin eta eztaen gogor</i> , alegia; iragaldian <i>elki zadien</i> eman zuen eta, iragankorrean, <i>berex zezaen</i> –‘haiiek’, noski–) CK: géro, zenbrúnaren eitéko, egózten dakoé gaxúra erráten báitakoé, gaxúra SK: t'án... nólа ártzen dakoé...? PA: sáldu dakoé CK: ta caserío bat badago kán, erràten báitakoé Ripálida CK: badago mendi bát erràten báitakóe... Óri CK: emán dakoéna eré iuén ónik CK: badago gauzá bat, billúria erráten dakoé (Azkue: Billurri (BN-s), bilurri-mataza (BN-s), vilorta, aro hecho con una vara de madera flexible y que, según los casos, sirve para anilla o para vencejo : <i>anneau fait d'une branche verte tordue, qui sert à divers usages, comme d'anneau, de lien.</i> Carmelok erantsi zuen: <i>billúria... andáitzean, bai, [gazt. 'en la lanza del arado'] andáitzeari apégatrik.</i> Esaldiaren bukaerako <i>dakote</i> hitzak, bestalde, Aezkoatiko eragina era-kusten du, Zaraitzuko era arrunta ‘dakoe’ baita) CK: áutxak erràten báitakoré (sic), áutxak; uskáraz, erràten dakoé, aútxa	
10-20 b	PA: sáldu diakoxé SK: aíxkideek eré emán dakóxe	
10-21	JK:ník eman nakón ⁷ sémeari... etséa ta fínka ta déna, guzíak (aditza pluralizatu gabe emana, hasieran <i>etsea</i> erreferentzia nagusia iza-teagatik, agian) SK: emán nakón emàzte kári ságarra PA: eta errán nakon: CK:ník emán nakónara eré báita eré (ez dugu ikusten oraingoan zergatik erabili zuen Carmelok zaritzueraz -a organizkoz bukatzten diren hitzak mugatzeko erabili ohi den -ra osagarria)	
10-24 b	PA: sáldu niakoxún SK: nik eré emán nakóxun	

⁷ N. Alzolak argitaratua emanikoa *Una carta de D. Pedro José Samper...* delakoan, ordea, nekon dugu: *Zure Altezarari* (sic) *erraneconabezela nic*, eta, gure egunetara etorriz, Orontze herrian *nekon* horixe bildu genion behin Severo Azkoiti jaunari, esaldi luzexka baten testuinguruan. Bi aldiz gainera.

10-25 a	CK: zúk emán zinakóna eré...
10-25 b	SK: xúk eré emán xinákón PA: xúk emán xinakón
10-26	CK: ík eré emán iakon PA: emán iákon
10-27	CK: sagárra emán iakón PA: emán yakón
10-28	SK. áitak emán zakón ⁸ CK: emán zakóna...
10-31 b	PA: sáldu ziakoxun SK: áitak emán zakoxun
10-32	CK: kantátu ginakón apézari CK: emán ginakóna...
10-35 b	PA: sáldu giniakoxún JU: pues artsáldian, géntzen giniakoxún lemizíko (...) làstöá, kentzén (sic) giniakoxún (<i>kentzen</i> hitza 'sic' batez lagundu dugu, zaraitzuera, hori baino gehiagotan <i>gentzen</i> aditzen delako; 3-77 zk.ko adibide batean, halaber, <i>karretilla</i> erdal hitza <i>garretilla</i> haren aldaerarekin batera dugu, eta 3-02 delakoan, gazteleratik hartuta hau ere, <i>gultibatzeko</i> moduko hitza, hauek guztiak, itxuraz, leherkari gor eta ozenen arteko lehia erakusten dutela)
10-36	SK: emán ginakoxún CK: emán zinakoén PA: sáldu zinakoén
10-37	CK: t'emán zakoén ⁹ pisú kau CK: ta... naúsíak, bēar zákoen emán xátra CK: ta kán, egìn zutén... Zubü bat, ta eséri zakoén no(n)bría... Sòrgin-zúbü (kasu honetan ere <i>zubü</i> horren ü-a argiro aditzen da ¹⁰) CK: ta Aríben, egùtxakoén [= 'egotzi zakoen] altóa (gehienetan <i>egotz</i> aditu baldin badugu ere, <i>egutx</i> horrek gaztelerazko 'la (hora) una' aditzera emateko Izaban aspaldi bildu genuen <i>oren bá-kutxa</i> oroitarazten digu, Uztarrozen <i>òren bá-kotxa</i> eta <i>òren bákutxa</i> , biak, aditurik gaudela; lan honetan zehar <i>o</i> eta <i>u</i> bokalen arteko beste zenbait zalantza ikusi ahal izan da) CK: ta... bérze, bazágon bérze... apero bát, erráten baizakoén... ariára CK: t'elkitzén zuén... zénbrúna, erráten báitzakoé(n)

⁸ Eaurtako XIX. mendeko zein XX.eko bukaera aldeko iraganaldiko era hauetako barne-huna *-ako*-baldin badugu ere, Samp(eban)ek, adizki laguntzaile hauek erabiltzean, *-ako-* eta *-eko-*, bi aldaerak erabili zituen; hots: *baizic ere fancinuen eta sarrharacizun carclean pagazazon bitarteo zorrzacona* (18-30), alde batetik, *eta onquicencicoloric escua* (8-14), *erratenceconari* (12-48), edota *ofrecitubaitzecon* (14-7), bestetik. Erabilera bikoi hau ez bide zen ezezaguna ibarreko gainerako herriean, ez behintzat Orontzen eta Itzallen, honako kasuak lekuko: *bere propio virtutez iñorc lagunic eguiten cecola* (Orontze), edota *cer erranzcon?* (Itzalle), adibidez. Aezkoan ere, Yrizaren *Morfología del verbo auxiliar bajo navarro occidental/izenburuko lanean ikus daitekeenez, iraganaldiko -eko bukaeradun adizkiak arruntak dira -Garaioa eta Abaurregaina herriean, agian, bereziki-, hauek baino hedatuagoak -ako gisako erak baldin badaude ere.*

⁹ Eaurta honi dagokionez, koadroetan islatu bezala, 1872ko datuetan *zakoyen* dugu, eta 1989-93koetan *zakoien*. Gainerako gure datuei behatu bat eman eta, Otsagin eta Ezpartzan *zakoien* eta *zakoen*, biak ikusten ditugu; Ezkarozan *zakoien* bakarrik.

¹⁰ Uztarrozen, oroitarazten dugu, *zubu* aditurik gaude: *baia órai, zubutik, buéltatan du proyección(e)a, góradráino*, era mugatua *zubia* izanik ere. *Fidela Bernat...* (II), 493. or.

(hona, arestian adierazi bezala, *o* eta *u* bokalen arteko lehiaren beste adibide bat, Azkuek, bere hiztegian, *zenbron* (BN?) baitakar: requésón, *fromage blanc*, Var. de ZENBERA. Guk geure aldetik azken era hau aditu dugu Uztarrozen, laburbildurik bada ere: *Zenbrá géro egítan zeiá bérz batan*¹¹)

CK: len... errátén zakotén... kárroa

CK: etxéko märkará... esértzen zakotén [ardiari]... étsearén nónbrëa: Lorenzána; l(ë)é bát, Luorenzána (sic)

(Carmelok, antza denez, *l(ë)é* horren bidez L bat esan nahi izan zuen; hortik kanpora, azken bi esaldietako adizkiaren bukaera dela eta, aezkeraren eraginari buruz lehenxeago esanikoa errepikatu beharrean gara, honek iraganaldiko kasuetan galdu ohi duen *n*-aren zertzelada kontuan izanik, jakina)

10-40 b

PA: sáldu ziakóxen

SK: askáziek eré emán zakóxen

10-41 - 10-60, orainaldiko plurala; 10-61 - 10-80, iraganaldiko plurala

adizki zenbakia	eredua eus. batuan	Eaurta 1872	Eaurta 1989-93
10-41	dizkiot	dazkot	dazkot
10-42	tok. alok	diazkoat	diazkoat
10-43	nok. alok	diazkonat	diazkonat
10-44 a	zuk. alok	diazkozut	
10-44 b	xuk. alok		diazkoxut
10-45 a	dizkiuzu	dazkozu	
10-45 b	id. (xuka)		dazkoxtu
10-46	dizkiok	dazkok	dazkok
10-47	dizkion	dazkon	dazkon
10-48	dizkio	dazko	dazko
10-49	tok. alok	diazkok	diazkok
10-50	nok. alok	diazkon	diazkon
10-51 a	zuk. alok	diazkozu	
10-51 b	xuk. alok		diazkoxtu
10-52	dizkiogu	dazkogu	dazko(gu)
10-53	tok. alok	diazkoagu	diazkoaguk
10-54	nok. alok	diazkonagu	diazkonagun
10-55 a	zuk. alok	diazkozugu	
10-55 b	xuk. alok		diazkoxugu
10-56	dizkiozue	dazkozie	dazko(t)zie
10-57	dizkiote	dazkoye	dazkoe
10-58	tok. alok	diazkoyek	diazkoek
10-59	nok. alok	diazkoyen	diazkone
10-60 a	zuk. alok	diazkoze	
10-60 b	xuk. alok		diazkotx(i)e

adizki zenbakia	eredua eus. batuan	Eaurta 1872	Eaurta 1989-93
10-61	nizkion	nazkon	nazkon
10-62	tok. alok	niazkowan	niazkowan
10-63	nok. alok	niazkonan	niazkonan
10-64 a	zuk. alok	niazkozun	
10-64 b	xuk. alok		niazkoxun
10-65 a	zenizkion	zinazkon	
10-65 b	id. (xuka)		xinazkon
10-66	hizkion	azkon	iazkon
10-67	hizkion	azkon	iazkon
10-68	zizkion	zazkon	zazkon
10-69	tok. alok	ziazkowan	ziazkowan
10-70	nok. alok	ziazkonan	ziazkonan
10-71 a	zuk. alok	ziazkozun	
10-71 b	xuk. alok		ziazkoxun
10-72	genizkion	ginazkon	ginazkon
10-73	tok. alok	giniazkowan	giniazkowan
10-74	nok. alok	giniazkonan	giniazkonan
10-75 a	zuk. alok	giniazkozun	
10-75 b	xuk. alok		giniazkoxun
10-76	zenizkieten	zinazkoyen	zinazkoen
10-77	zizkieten	zazkoyen	zazkoen
10-78	tok. alok	ziazkoyekan	ziazkoekan
10-79	nok. alok	ziazkoyenan	ziazkoenan
10-80 a	zuk. alok	ziazkozien	
10-80 b	xuk. alok		ziazkotx(i)en

adizki-zk.

adibideak

- 10-41 SK: emán dakót / emán dazkót (pluraleko adizkia laguntzaz emana)
 PA: sáldu dazkót
- 10-52 PA: sáldu dázkogu
 SK: emán dazkóu
- 10-56 CK: emán dazkozié
 PA: sáldu dazkótzie
- 10-57 SK: emán dazkoé (adizkia laguntzaz emana)
 PA: sáldu dazkoé
- 10-60 b PA: sáldu diazkótx(i)e

¹¹ *Fidela Bernat... (II)*, 496. or.

- SK: emán dazkótxe
 10-61 SK: eman nazkón
 10-64 b PA: sáldu niazkótxun
 (-txu(n) gisako bukaera hauek, batzuetan, -tsu(n) aditzen ote diren gaude)
 SK: emán nazkótxun
 10-65 b SK: xúk eré emán xinázkón
 PA: emán xinazkón
 10-68 SK: áitak eré emán zázkon
 PA: eta... belárra... nái zéxkon (sic) emán kári
 (10-28 zk.ko erantzunei egin iruzkinarekin bat, pluraleko kasuetan ere Samperrek -azkon eta -ezkon zerabiltzan, XX. mendearren bukaera aldean, Pablok adibide honetan emanikoa izan ezik, batere arrunta izan ez dena¹²⁾)
 10-70 JU: áitari ta amarí ètse guziákl saldú ziazkónan
 (adizki hau ‘hark hari haiet’ honetarako baliagarria izateagatik idatzi dugu hemen, baina Javierak halakoa ‘hark haiet haiet’ gisako bat bihurtu zuenez, ziaztenan itxaron behar genukeen, inkestak aurrera egin ahala Javierak berak –11-70 zk.ko adibidea– eman bezala)
 10-71 b PA: sáldu ziazkotsún
 (adizkiaren bukaera horrela aditu uste izan genuen aldi honetan ere, bederen)
 SK: emán zazkótxun
 10-72 SK: gúk eré emán ginázkon
 10-77 CK: esértzen zazkoén... nazimiéntoko Aurrarí
 SK: aixkideék eré emán zazkoén

Taula 11

Aditz laguntzaile iragankorra (*nor-nori-nork* - ‘nik... haiei’): 11-01 - 11-20, orainaldiko singularra; 11-21 - 11-40, iraganaldiko singularra

adizki -zenbakia	eredua euskar. batuan	Eaurta 1872	Eaurta 1989-93
11-01	diet	dabet	dabet
11-02	tok. alok	diabeat	diabeat, diabiat
11-03	nok. alok	diabenat	diabenat
11-04 a	zuk. alok	diabezut	
11-04 b	xuk. alok		diabexut
11-05 a	diezu	dabezu	
11-05 b	id. (xuka)		dabexu
11-06	diek	dabek	dabek
11-07	dien	daben	daben
11-08	die	dabe	dabe
11-09	tok. alok	diabek	diabek
11-10	nok. alok	diaben	diaben
11-11 a	zuk. alok	diabedu	
11-11 b	xuk. alok		diabexu
11-12	diegu	dabegu	dabegu
11-13	tok. alok	diabeagu	diabeguk, diabia-
11-14	nok. alok	diabenagu	diabenagun
11-15 a	zuk. alok	diabezugu	
11-15 b	xuk. alok		diabexugu
11-16	diezue	dabegie	dabegie
11-17	diete	dabe	dabe
11-18	tok. alok	diabek	diabek
11-19	nok. alok	diaben	diaben
11-20 a	zuk. alok	diabedu	
11-20 b	xuk. alok		diabexu

adizki -zenbakia	eredua euskar. batuan	Eaurta 1872	Eaurta 1989-93
11-21	nien	naben	naben
11-22	tok. alok	niabekan	niabekan
11-23	nok. alok	niabenan	niabenan
11-24 a	zuk. alok	niabezun	
11-24 b	xuk. alok		niabexun
11-25 a	zenien	zinaben	
11-25 b	id. (xuka)		xinaben
11-26	hien	aben	iaben, yaben
11-27	hien	aben	iaben
11-28	zien	zaben	zaben
11-29	tok. alok	ziabekan	ziabekan
11-30	nok. alok	ziabenan	ziabenan
11-31 a	zuk. alok	ziabezun	
11-31 b	xuk. alok		ziabexun
11-32	genien	ginaben	ginaben
11-33	tok. alok	giniabekan	giniabekan
11-34	nok. alok	giniabenan	giniabenan
11-35 a	zuk. alok	giniabezun	
11-35 b	xuk. alok		giniabexun
11-36	zenieten	zinaben	zinaben
11-37	zieten	zaben	zaben
11-38	tok. alok	ziabekan	ziabekan
11-39	nok. alok	ziabenan	ziabenan
11-40 a	zuk. alok	ziabezun	
11-40 b	xuk. alok		ziabexun

¹² Hona, Samp(eban)ek idatzirikoetan, adibide pare bat: *encontratucizun bere lagunetaric bat zoinec nec baitzatzcon (sic) zorr egun denario* (18-28), alde batetik, baina *izancitziozun presentatric bat zoinec zorbaitzezcon amar mila talentu* (18-24), bestetik. Mitxelenaren *Un catecismo...* delakoan ere, dena den, badugu orobat bigarren honetakorik: *eta Jangoicoac Eliza Ama Sanduari revelatuzezconac.*

<u>adizki-zk.</u>	<u>adibideak</u>
11-01	SK: ník sáldu dabét CK: ní kontént niók sáldu baitabét koér étxea JU: étsea, sáldu dabétena aìxkidér dük ániz pollit
11-02	CK: sáldu diabiát, sáldu diabéát
11-03	CK: ník sáldu diabenát koér étxea
11-04 b	PA: sáldu diabexút SK: sáldu dabéxut emázte koer
11-05 a	SK: zúk eré sáldu dabézu
11-05 b	SK: xuk... sáldu dabéxu JU: zúk ere sáldu dabexú étsea goér? (lehenagoko beste zenbait adibidetan ere ikusi legez, inoiz izenordeak eta aditzak –zuketan batzuk, xuketan besteak– nahasirik kausitzen ditugu)
11-08	JU: xúk eré sáldu deabexú, xaldú dabexú étséa goér? saldú dabéxu, étsia, oér? (<i>dabexu</i> –zuzeneko era– egokiagoa iruditzen zaigu <i>diabexu-ra</i> hurbil-tzen den <i>deabexu</i> hori baino) SK: áitak eré sáldu dabé CK: ... sáldu baitabé (‘hark haiei hora’ eta ‘haiet haiei hora’ kasuetako indefinitu eta alorutiboetan emaitza berberak ditugu, eta hau hala singular-pluraletan nola orainaldi-iraganaldietan ere)
11-11	PA: sáldu diabéxu
11-12	SK: sáldu dabéxu CK: gúk erráten dabegú... áutxa; etá franzésa
11-15 b	CK: ... sáldu baitabegú oér étxea PA: sáldu diabéxugu
11-17	SK: sáldu dabéxuu
11-20	SK: sáldu dabé CK: kóntent diaudék sáldu baitabé koér étxea PA: sáldu diabéxu SK: sáldu dabéxu (‘haiet haiei hora’ honetan, * <i>diabexie</i> batere gabe, <i>diabexu</i> dugu, ‘hark haiei hora’ kasuan bezala, eta bateratasun hauet berdin ditugu singularrekin zein pluralarekin, eta orainaldian zein iraganaldian, ‘hark hari hora’ eta ‘haiet hari hora’ kasuetan ditugun erak ongi bereizten badira ere. Espartzan, dena den, gauza bera dugu, agian oso logikoa ez izan arren, baina kontuan hartu beharrekoa da Zuberoan bildu ditugun inkestetan ere jokaera hauxe ia erabatekoia izan dena)
11-21	SK: sáldu náben etxea
11-25 b	SK: xúk eré sáldu xináben (adizkia laguntzaz emana) (Espartzan ere honela)
11-26	CK: emán yabén atzó sagárra
11-27	CK: sáldu iabén
11-28	CK: nausíak beár zabén emán xátra
11-32	SK: sáldu záben
11-35 b	SK: sáldu gináben PA: sáldu giniabéxun JU: ez gínia(b)exún kantátzen éz arrer, bàizik ére... titia emán eta... àlorréala!

- (*baizik ere hau bai, hainbat lekutako baizik eta ezagunaren parekoa iruditzen zaigu*)
- SK: sáldu ginabéxun
 CK: emán zinabén
 SK: sáldu zináben
 (hots, ‘zuk haiei hora’ eta ‘zuek haiei hora’ kasuetan emaitza bera dugu, bietarik aurreneko, xuka erabiliz gero, bigarrenetik ongi bereizten bada ere. Pluralean ere gauza bera dugu)

11-41 - 11-60, orainaldiko plurala; 11-61 - 11-80, iraganaldiko plurala.

adizki -zenbakia	eredua eusk. batuan	Eaurta 1872	Eaurta 1989-93
11-41	dizkiet	dauzteret	daztet
11-42	tok. alok	dauzteat	diaztat
11-43	nok. alok	dauztenat	diaztenat
11-44 a	zuk. alok	dauzterezut	
11-44 b	xuk. alok		diaztexut
11-45 a	dizkiezu	dauztezu	daztexu
11-45 b	id. (xuka)		
11-46	dizkiek	dauztek	daztek
11-47	dizkien	dauzten	dazten
11-48	dizkie	dauzte	dazte
11-49	tok. alok	dauztek	diaztek
11-50	nok. alok	dauzten	diazten
11-51 a	zuk. alok	dauztezu	
11-51 b	xuk. alok		diaztexu
11-52	dizkiegu	dauztegu	daztegu
11-53	tok. alok	dauzteagu	diaztiaguk
11-54	nok. alok	dauztenagu	diaztenagun
11-55 a	zuk. alok	dauzterezugu	
11-55 b	xuk. alok		diaztexugu
11-56	dizkiezue	dauzterie	dazterie
11-57	dizkiete	dauzte	dazte
11-58	tok. alok	dauztek	diaztek
11-59	nok. alok	dauzten	diazten
11-60 a	zuk. alok	dauztezu	
11-60 b	xuk. alok		diaztexu

adizki -zenbakia	eredua eusk. batuan	Eaurta 1872	Eaurta 1989-93
11-61	nizkien	nazten	nazten
11-62	tok. alok	niaztekan	niaztekan
11-63	nok. alok	niaztenan	niaztenan
11-64 a	zuk. alok	niazteun	
11-64 b	xuk. alok		niaztxun
11-65 a	zenizkien	zinazten	
11-65 b	id. (xuka)		xinazten
11-66	hizkien	azten	iazten, yazten
11-67	hizkien	azten	iazten, yazten
11-68	zizkien	zazten	zazten
11-69	tok. alok	ziaztekan	ziaztekan
11-70	nok. alok	ziaztenan	ziaztenan
11-71 a	zuk. alok	ziazteun	
11-71 b	xuk. alok		ziaztxun
11-72	genizkien	ginazten	ginazten
11-73	tok. alok	giniaztekan	giniaztekan
11-74	nok. alok	giniaztenan	giniaztenan
11-75 a	zuk. alok	giniazteun	
11-75 b	xuk. alok		giniaztxun
11-76	zenizkieten	zinazten	zinazten
11-77	zizkieten	zazten	zazten
11-78	tok. alok	ziaztekan	ziaztekan
11-79	nok. alok	ziaztenan	ziaztenan
11-80 a	zuk. alok	ziazteun	
11-80 b	xuk. alok		ziaztxun

adizki-zk.

- 11-41 JU: ník sáldu daztét¹³, aitátamér, etséak
 JU: nióxu kóntent, porque emán baitáztet áitatámer sàgar gúziak
 SK: ník emán dabét sàgar guziák
 (pluralizatu gabeko erantzuna dugu Salvadorren hau, *daztet* beharko baitzuken, antza¹⁴)
- 11-42 CK: eman diaziát
 (honen jarraiko adibidearekin –nokakoarekin– parekatuz gero, aldi honetan Carmelok adizkia diptongatu zuela ikusten da, *diazteat* itxaron baitzitekeen)
- 11-43 CK: sáldu diazténat lúrrak koér
 11-44 b JU: sáldu diaztéxit

adibideak

¹³ Pluraleko emaitza hauek agerian ezartzen dutenez, XIX. mendean bildu orainaldiko adizkiek -au- dute barne-hun -dauzteret, *dauztezu*, *dauzte...-*, XX.eko bukaera aldekoek -a- duten bitartean -daztet, *daztexu*, *dazte...-*. XIX eta XX. mendeetako iraganaldiko adizki guztiak, halere, -a- dute, bakarrik, barne-hun.

¹⁴ Honela, bederen, XX. mendearen bukaera aldeko gainerako informatzaileek eman zutena ikusita: *daztet*, *daztexu*, *dazte...-*; izan ere, Bonapartek 1872an argitarra emaniko sail honetako erak *dauzteret*, *dauztezu*, *dauzte...-* gisakoak izan baitziren, u bat tartekaturik.

		(azken Taula honetako pluraleko indefinituak eta xukako alokutiboen ongien asmatu zituena Javiera Urralburu izan zen. Xukako alokutiboen bukaerak direla eta, zera galduen genion: ‘nik haiei <i>eman diaztxeut</i> edo <i>eman diaztxut?</i> ’ eta hark ‘ <i>diaztxut</i> me parece’ erantzun, baina ondorengo erantzun guztiak, banan-banan, orainaldikoak zein iraginaldiokoak, - <i>xu(n)</i> bukaeradunak eman zituen. ‘Xuk’ eta ‘zuek’ kasuetarako ere, orainaldian, <i>daztxeu</i> eta <i>daztezie</i> eman zuen, balizko <i>t</i> batzen inolako tartekapenik gabe)
11-45 b	JU:	xúk saldú daztéxu étséak oér?
	JU:	emàn daztéxu sàgar gúziak
11-48	JU:	apézak eré, saldú dazté, étséak, aitátamer
11-50	CK:	áitak sáldu diaztén oér
11-51 b	JU:	apézak ere bái, sáldu diaztéxu
11-52	JU:	sáldu daztégu, ètsiák... ¹⁵
11-55 b	JU:	gúk ere sáldu diáztxugú
11-56	JU:	zék sáldu daztezié eré, oér, étsiak (erantzun erakarria)
	JU:	zuék eré aitátamér emán daztezié, emán daztezié sagár guziák (lagun batek berak –Javierak, kasu honetan– behin zek eta beste behin zuek erabili zuen)
11-57	JU:	kanpöan daudén adixkidiék eré, saldú dazté... étséak
11-60 b	JU:	kánpo daudén... adíxkide kóek... ère sáldu diaztéxu (‘hark hari’ kasuan –11-51-b zk.ko adibidea— eta ‘haiiek haiei’ honetan emaitza bera dugu, azken honetarako, logikaz bederen, * <i>diaztxie</i> itxaron beharko zela iruditzen bazaigu ere. Ez baina; XIX. mendean bildu datuetan ere bukaera bera dugu bi kasuetarako, aditza zertxobait aldaturik ere: <i>diauztezu</i> , xuketan <i>diauztxeu</i> izango genukeena)
11-61	SK:	eman naztén
	PA:	sáldu naztén
	JU:	orái duéla tènbra anítz, saldú naztén étséak, aitátamer
11-64 b	JU:	orái duéla bi úr(s)te, saldú niaztxun ètse guziák... aitátamer
11-65 b	JU:	orái duéla bi urté, xúk eré saldú xinaztén étséak
11-66	CK:	sáldu yaztén
	JU:	Agapio, ík sáldu iaztén... étséak aitátamer / sáldu iaztén, es... la frase
11-67	CK:	sáldu yaztén (iaztén?)
11-68	SK:	sáldu zaztén
	JU:	apézak eré sáldu zituén áitátamer; kála?... saldù zaztén, étséak, aitátamer (erantzun erakarria, aurrenik era bipertsonala eman baitzuen)
11-69	JU:	sáldu ziaztékan
11-70	JU:	Raimunda, atzó, [hark] emàn ziazenán... sàgar gúziak

¹⁵ Kasu honetarako ditugun adibideetan ere –11-41 zk.ko esaldi bat egin diogun oharraren haritik diogun hau–, batuetan *-au-* eta besteetan *-a-* dugu pluraleko barne-huna, orainaldian. Honela, Eaurtako dotrinan, koadroetan bildurikoarekin bat, *cala nola guc paracaben baitauztegu gu zorguitiener* gisako esaldia aukitua dugu; Otsagikoan, *cala nola guc paracen baitaztegu guri zorduiener*; Orontzekoan, *cala nola guc paracen bai tauztegu guri zor guitiener*; Igarikoan, *cala nola guc paracen baitrautztegu* (sic) *gu zorguitiener*; eta Itzallekoan, azkenik, *cala nola guc paracen baitaztegu gu zorguitiener*. Mitxelenaren *Un catecismo salacenceno* izenburuko lanean bestalde, Igarin bildu eratik besteetatik baino hurbilxeago agian, honako esaldiak irakur daitezke: *Parcadazaizcula gure zorrac, guc nola paracen baitreztegu, gu zor guitiener*, alde batetik, eta *Jangoicoac parcadazaizcula guri becatuac, cala nola paracen baitreztegu, gu agraviatu, eta gaizqui heguin dauzquiener*, bestetik, zeinetan erreparatuz, agian, aspaldiko **derauztegu* bat susma litekeen.

- 11-71 b JU: orái duéla ténbr'anitz, apézak, sàldu ziaztexún...áitamatér étséak
- 11-72 JU: gúk ére... saldú ginaztén, étséa(k), áitatámer
- 11-73 JU: sàldu giniáztékan
CK: sàldu giñaztekán
(inoiz aipatu Abaurregaina auzo-herrian *giñaixteta* dugu bildurik¹⁶; litekeena da, beraz, *n*-ren bustiduran aezkeraren aldetiko kutsaduraren bat izatea)
- 11-74 JU: Raimunda, atzó... emàn giniaztenán... aítamatér sàgar gúziak
- 11-75 b JU: ta gúk ére, sàldu giniaztexún étséak, áitatámer
- 11-76 SK: emán zinaztén
JU: zuék eré, orái duéla ténbra ánitz... sàldu zintzaén étséak, áitatámer; (zuzenduz:) zuék eré, saldú zinaztén, etséak, aítamatér
JU: zúek ére, átzo, áitatámer, emán... zinaztén sàgar gúziak
CK: sàldu ziñaztén
(kasu honetan ere *ziñaz-* aditu uste izan genion Carmelori, eta *ez zinaz-*)
- 11-77 JU: pues, ta adíxkidek eré sàldu zázten
- 11-78 JU: sàldu ziaztékan
- 11-79 JU: aizán R(e)imondá, atzó adixkidíek, èman ziáztenan sàgar gúziak... aítamatér
- 11-80 b JU: kanpóköek ére, sàldu ziaztexún àítamatér, étsiak
SK: sàldu zaztéxun

**DATU BATZUEN ARTEKO ERKAKETA, ZENBAIT KASUTAN
NOR SAILEKO ADIZKI BATZUEK NOR-NORK GISAKO
BESTE BATZUK ORDEZKATZEN DITUZTELA**

1) Bonapartek XIX. mendean Eaurtan bildu zituen datuen eta XX. mendearren azken laurdenean Zaraitzuko aipatu bost herrietan jaso eta ezagutzen ditugunen artean.

Jarraiko koadroetan *nor-nork* gisako adizki batzuen ordez XIX. menderako jada, era desegokian izanik ere, erabiltzen ziren *nor* batzuen ibilbide hazkorra islatzen saiatuko gara. Adizki ordezkatzailak letra etzan eta beltzean idatzi dira.

Lehenengo zutabeen saio honetarako aurkitu ditugun adizkiei dagozkien zenbakiak idatzi ditugu, lan honen aurreneko bi zatieta –‘(1 - Eaurta: ha-siera)’ eta ‘(2 - Eaurta: jarrai-pena)’– eman zaizkienekin bateratsu. Bigarrenean, XIX. mendeko Bonaparteren Eaurtako adizkiak ageri dira, non, ikusi ahal izango denez, era desegokiak lau baizik ez ziren: *zintzan –nor* moduan, ‘zi-ren’en zukako alokutibotzat–, alde batetik, eta *zintzan, gintzan* eta *zintzayen –nor-nork* saileko ‘zenituen’, ‘genituen’ eta ‘zenituzten’ moduko era egokiak ordezkatzenten zituztenak–, bestetik, objektu singulararekin ordezkapenik ematen ez zela. Eta hirugarrenetik aurrera, gure egunotan Eaurtan berean, Otsagin, Ezkarrozen, Orontzen eta Espartzan bildu eta erkatze-lanerako hau-tatu ditugunak.

¹⁶ Aezkoako herri honetan bilduriko datuak Pedro de Yrizarren *Morfología del verbo auxiliar bajo navarro occidental* izenburuko liburuan argitaratu ziren.

Adizki hauei zera erantsi diegu Otsagin: JE (José Estornés), bi aldiz, eta EI (Euskalerrria Irratia), beste bi.

Emaitzek erakusten dutenez, era desegoki gehiago dugu orain XIX. mendean baino, artean kutsatu gabe bide zeuden beste zenbait adizkiri ere hedatu baitzaio, XX.ean zehar, joera oker hori¹⁷. Hona datuak:

adizki-zenbakia	Eaurta XIX (Bonap. 1872)	Eaurta (1989-93)	Otsagi (1975-98)	Ezkaroze (1976-80)	Orontze (1986-95)	Espartza (1976-92)
1-29 a 1-29 b	zinuen	zinuen xinuen xunen ¹⁸	xunen		xiñuen	xinuen xunen
1-38 a 1-38 b	<i>zintzan</i>	<i>zintzan</i> <i>xintzan</i>	<i>xintzan</i>	<i>zintzan</i>	<i>xintzan</i>	<i>xintzan</i> txunen
3-21	nuen	nuen	nuen <i>nitzan</i>	nuen	nuen	nuen
3-25 a 3-25 b	zinuen	xinuen	zinuen zunen JE: xinuen			xinuen xunen
3-32	ginuen	gin(d)uen <i>gintzan</i>	gin(d)uen gitzuen <i>gi(n)tzan</i>	ginuen	ginuen	ginuen <i>gintzan</i>
3-35 a 3-35 b	ginizun	ginixun <i>gintzaxun</i>				ginixun
3-36	zinien	zinien	JE: zinien		zinien	zinien zinen ¹⁹
3-61	nituen	nituen	nituen <i>nintzan</i>	nituen	nituen	nituen <i>nintzan</i>
3-62	nitikan	nitikan <i>ni(n)tzakan</i>				nitikan
3-65 a 3-65 b	<i>zintzan</i>	<i>xintzan</i>	El: zintuen			txunen
3-72	<i>gintzan</i>	<i>gintzan</i>	gi(n)tuen gi(n)tzuen <i>gintzan</i>		ginituen <i>gintzan</i>	<i>gintzan</i>
3-73	gintikan	gi(n)tikan <i>gintzakan</i>	El: <i>gintzaka</i>			ginitian
3-74	gintinan	gi(n)tinan <i>gintzanan</i>				ginitinan
3-75 a 3-75 b	gintzun	gint(i)xun <i>gintzaxun</i>				ginitxun <i>gintzaxun</i>
3-76	<i>zintzayen</i>	<i>zintzaen</i>				tzinien

¹⁷ Dena den, XIX. mendean Eaurtan bildu adizkiek ezin bazter dezakete, besterik gabe, zenbait kasutan, agian, bestelako eraren batzuk ere indarrean egon zitezkeeneko hipotesia.

¹⁸ Era hau, 2000. urtean María Cruz Esarte andereak elkarritzeta batean emana, Aitor Aranaren *Zaraitzuko uskara* izeneko lanean ere agertzen da.

¹⁹ ‘zinen’ labur hau Lucas Senberoiz jaunak eman zigun: *sáldu zinen, etséa*.

IRUZKINAK

Lehenengo bi lerroetako 1-29 eta 1-38 zk.ko erak, adierazten luzexka jo-ko lukeen arrazoigatik, gerorako utziko ditugu. Hirugarren lerroko edukietatik abiatuko gara, beraz.

Hirugarren lerro honetako 3-21 zk.tik 3-36ra bitarteko adibideak singularreko kasuak dira. Lehen esan denez eta ‘Eaurta XIX’ zutabeko adibideei behatu bat emanet gero aise antzeman daitekeenez, singularreko adizki hauetan ez zen orduan era pertsonabakar hauen aldetiko inolako intromisiork ematen, baina iragan berri zaigu XX. mendearen bukaera aldean bildu ditugun materialetan joera hori singularreko kasuetara ere aski zabaldurik ikusi dugula esan behar, aurreko adibideek erakusten dutenez.

3-21 zk.: iruzkin honetan aztertzen ari garen bost herrietako laginak kontuan harturik, gaztelerazko ‘(yo) lo tenía’ kasurako, adibidez, ‘nuen’ egoki bat bildu dugu bost herriotan, Otsagin, horrez gainera, ‘nitzan’ bildurik ere, itxura erreflexiboa edo antzoko zerbait darakusana.

3-25 zk.ko adibideetan ez dugu ordezkapenik aurkitu. Eaurtan, halere, XIX. mendean bildu zen *zinuen* ez baina, *xinuen*, xuketan, bildu dugu, eta Otsagin, bi era hauetaz gainera, *zunen* –orainaldiko *zu* era laburtutik erakarrria ote, hau?–, Espartzan ere, xuketan, eta *xinuen*-ekin batera, kausi deza-keguna. Geroxeago ageriko den koadroan –aspaldiko denboretan idatzi do-trinetan ikusi ditugun era hauetako datuak agerian ezartzeko berariaz egi-na– *zunen* hauxe Orontzekoan aurkituko dugu. Zertzelada hau nabarmenzeko modukoa dela iruditzen zaigu, ‘zuek’ kasurako datuak bildu ditugun herrietan, Espartza barne, *zinien* eman digitela ikusita, logikoa bai-lirudike, antza, ‘xuk’ horretarako *xinuen* ez besterik agertzeak.

3-32 zk.ko adibideetan garbiro ikusten da, herri guztieta era egokia bildua izatearekin batera, era pertsonabakarrekoek ere egin duten bidea.

3-33 eta 3-34 zk.etan biltzen diren tokako eta nokako alokutiboetan ez dugu halako mutursartzerik ikusten –horregatik ez dira koadro hauetan is-latu– baina ez da berdin gertatzen 3-35 zk.ko adibideetan, hauen artean lagin bat baitugu Eaurtan bederen: *gintzaxun*, errepi-katurik gainera.

3-36 zk.ko adibidea guztiz garbi dago; ez da horretan era pertsonabakarrekoen aldetik inolako eraginik ageri.

3-61 zk.: hemen hasten dira pluraleko adibideak; izan ere, herri guztieta era egokiak biltzearekin batera Otsagin eta Espartzan kasu desegokia-kerrean eta xukako eran, eman ziguten *xintxan*-en parekoa –‘xintzan’ egokia-goa litzateke, behar bada, adizkiaren barne-huna busti behar izan gabe–. Espartzan, ordea, singularrako eman erantzunari jarraiki, *txunen* bildu genuen, eta hau adizkiaren lehenengo leherkaria sandhi baten ondorio izan ote zitekeen jakiteko erne ibili ondoren, zeren, *xan txúnen* jasotzeaz gainera, *erósi txúnen* bildu baikenuen orobat –agian *erósi tsúnen*–. Otsa-

3-65 zk.an ageri zaigu lehenengoz, *nor-nork* sailean, *zintzan* moduko era desegokia XIX. mendeko Eaurtako materialetan –pluraleko egoeran eta hiru pertsonatan bakarrik ditugu honelakoak–, duela urte gutxi, herri be-rean eta xukako eran, eman ziguten *xintxan*-en parekoa –‘xintzan’ egokia-goa litzateke, behar bada, adizkiaren barne-huna busti behar izan gabe–. Espartzan, ordea, singularrako eman erantzunari jarraiki, *txunen* bildu genuen, eta hau adizkiaren lehenengo leherkaria sandhi baten ondorio izan ote zitekeen jakiteko erne ibili ondoren, zeren, *xan txúnen* jasotzeaz gainera, *erósi txúnen* bildu baikenuen orobat –agian *erósi tsúnen*–. Otsa-

gin, dena den, eta zail zirudien arren, ‘zintuen’ era egokia bildu da duela urte gutxi²⁰.

3-72 zk.: hona Bonaparteren denboretan, *nor-nork* sailean, oker erabilten ziren hiru adibideetarik beste bat: *gintzan*, gure egunotan ere datuak bildu ditugun herrietara guztiz zabaldua. Berarekin batera, dena den, era ego-kiak bildu dira Otsagin eta Orontzen. Otsagin, gainera, *gi(n)tzuen* era ustez nahasia bildu dugu.

3-73, 3-74 eta 3-75 zk. etako adibideak 3-72 delakoaren tokako, nokako eta zukako/xukako alokutiboak ditugu. Bonaparteren denborako Eaurtako adibideetan indefinitu edo neutroak oraingo adizki hauetan eraginik erakutsi ez bazuen ere, gure egunotan ez da guztiz horrela gertatzen, herri honextean bildu baitira, era egokiko adizkiekin batera, pertsonabakarrekoen ‘mutursartzea’ erakusten duten bestelakoak ere. Otsagin dugun adibide bakarra ere –tokako kasuan hau– azken era honetakoa da. Espartzan, alokutibo hauetarako bederen, adibide jatorrak eskuratu dira, xukako kasuan bi eratako adibideak bildu baditugu ere.

3-76 zk. ko kasua dugu, beti ere *nor-nork* gisako sailean, XIX. mendeko hirugarren eta azken adibide desegokia Eaurtan: *zintzayen*. Ikusten denez, joera horrek hala jarraitu du han gure egunotara arte, Espartzan, artean, ustezko era jatorra mantendu dela.

2) Bonaparteren aipatu Eaurtako datuen eta hala haren garaian nola lehenagoko denboretan ere bildu ziren beste eskuizkribu batzuetako adizkien arteko erkaketa.

Jarraiko koadroetan, XIX. mendeko Eaurtako zutabe bera oinarritzat hartuz, garai hartako zein lehenagoko ebanjelio eta dotrinetan zernolako emaitzak ageri diren ikusi ahal izango da. Herri-izen bakoitzaren azpian tokian tokiko eskuizkribua noizkoa den ezarri dugu.

Dokumentu horietan badira, oso gutxi izan arren, erkaketarako ongi datozen adizkiak, aipatu ordezkapena aspaldikoa dela agerian uzten dute-nak. Dakigunez, Bonapartek Eaurtan bildu zuen informazioaren arabera plural-kasuko lau besterik ez ziren, guk 1-38 –*nor* sailekoa–, eta 3-65, 3-72 eta 3-76 zk.ez –*nor-nork-ekoak*– zerrendatu ditugunak, eskuizkribuetan singularrean ageri diren beste adizki batzuk, zorioneko erkaketarako, hona ekarri baditugu ere. Kontuan hartzeko moduko gauza da, halaber, Eaurtan bildu ebanjelioa eta dotrina esku bakar batenak direla –Pedro José Samper Elizari apaiz eaurtarrarena–, zein, horretaz gainera, Bonapartek bilduriko inkestaren erantzulea izatea suertatu bide baita. Koadro hauetako 2., 3. eta 4. zutabeen emaitzak, beraz, informatzaile berberari zor zaizkio; ezin egon liteke, beraz, logikaz bederen, horien arteko diferentzia nabamenik.

²⁰ Azkonakoetxeko lagun batek honela: ... *edo amabi urteak kunplitzen zintuelaik, ala!*, *Erribrala, lan egitra...* (Nafarroako euskaldunen mintzoak, II)

adizki-zenbakia	Eaurta XIX (Bonap. 1872)	Eaurta ebanj. 1869	Eaurta dorr. 1866	Otsagi dorr. 1834	Orontze dorr. 1857	Itzalle dorr. 1727	Igari dorr. ??
1-38	<i>zintzan</i> ²¹	<i>zintzan</i>			<i>cinzan</i>	<i>zinzan</i>	
3-21	nuen		nuen				
3-25	zinuen		cinuen	cinuen		zinuen	cinuen
3-32	guinuen		guinuen	guinuen	guinuen	guinuen	guinuen
3-36	zinien		cinién				
3-65	<i>zintzan</i>						
3-72	<i>gintzan</i>				<i>guinzan</i>		
3-76	<i>zintzayen</i>	<i>zintzayen</i>					

1-29 eta 1-38 zk.ko adizkiei buruzko iruzkina (aurrenik gerorako utzia)

Zenbaki horien bidez ekialdeko mintzamoldeetako²² *nor* sailean ditugun ‘zen’ eta ‘ziren’ adizkiei egokituriko zukako edota xukako alokutiboak bildu ditugu. Hauek, zaraitzueraz eta erronkarieraz, *nor-nork* saileko 3-25 eta 3-72 zk.etan ditugun adizki ez alokutiboen isla dira –zaraitzueraz, gainera, tokako eta nokako kasuetara hedatua–, Ahuñamendiz iparraldeko eremu luze-zabaletan gertatzen ez dena.

Hona, diogunaren lekuko, prestatu ditugun jarraiko koadroetako datuak. Hauek Zaraitzuko bi herritan –Eaurta eta Espartza–, Erronkariko beste bitan –Bidankoze eta Uztarroze–, Nafarroa Behereko batean –mugatik gertuko Mendibe herri garaztarra– eta Zuberoako beste batean –Ligi-Atherei, mugatik ere aski hurbil– bildu diren datuekin osatu ditugu.

Iraganaldiko 1-29 eta 1-38 zk.etan, dela zuketan dela xuketan *nor* saileko ‘zen’ eta ‘ziren’ adizkien errespetuzko alokutiboekin, bai-eta berekin erlazionatu toka eta nokako adizkiekin eratzeko xedez, orainaldiko 1-10 eta 1-19 zk.ko adizkiak eta hauekin erlazionatu toka eta nokakoak sartu ditugu koadroetan, era honetan, nolabaiteko orokortasun batean, informazio osoagoa ematen dugulakoan. Datuak, Bonaparte printzeak Bidankozeren bildu eta 1872an argitara eman zituenak izan ezik, lerro hauen egileak jasoak dira²³.

²¹ J. M. Satrustegik argitara emaniko *Euskal testu zaharrak* liburuan ere horrela: *bata eta bercea cinzan sandu eta vituoso [sic] ceren...* (162), edota *ontarzunac baratu cinzan munducontan* (166), eta *Zaraitzuko euskararen lekuoak izenburukoan orobat: baia lehenic manatu citçun, Patriarcha Noeri eguin cezala arca bat, zoinaren eguitean igari cinzan egun urte* (464).

²² Bonapartek, bere mapa handian, *purpe* eta *brun* kolorez jantzi zituen zubereraren eta behe-nafarraren esparruan, alegia, azken honi, Pedro de Yrizarren arabera, Garazi inguruko Lizaide eta Arnegi, Baigorriko kantonamenduari dagozkion Irulegi, Anhauze, Azkarate eta Lasa, eta are Hazparne ondoko Lekuine erantsi beharko litzainkiokeela. *Morfología del verbo bajo navarro oriental (I-II)*.

²³ Mendibeko datuak Pedro de Yrizar jaunaren *Morfología del verbo auxiliar bajo navarro oriental (I)* deritzan lanean argitaraturik daude eta Ligi-Athereikoak jaun beraren *Morfología del verbo auxiliar suletino* izenekoan. Bidankozekoak eta Uztarrozeakoak ere Yrizarrek berak argitara eman zituen *Morfología del verbo auxiliar roncalés* izeneko lanean, Bidankozekoan kasuan Bonaparteren 1872ko datuak baliatuz. Eaurtako eta Espartzako datuak, azkenik, Yrizar berberaren *Morfología del verbo auxiliar bajo navarro oriental (III)* izenburuko lanean kausi daitezke.

Eaurta, 1989-93		Espartza, 1991-92	
adizki-zenbakiak	adizkiak	adizki-zenbakiak	adizkiak
orainaldian		orainaldian	
3-05 = 1-10	xu = xu	3-05 = 1-10	xu = xu
3-06 = 1-08	duk = duk	3-06 = 1-08	duk = duk
3-07 = 1-09	dun = dun	3-07 = 1-09	dun = dun
3-45 = 1-19	txu = txu	3-45 = 1-19	txu = txu
3-46 = 1-17	tuk = tuk	3-46 = 1-17	tuk = tuk
3-47 = 1-18	tun = tun	3-47 = 1-18	tun = tun
iraganaldian		iraganaldian	
3-25 = 1-29	xinuen = xinuen	3-25 = 1-29	xunen = xunen
3-26 = 1-27	yuen = yuen	3-26 = 1-27	yuen = yuen
3-27 = 1-28	yuen = yuen	3-27 = 1-28	yuen = yuen
3-65 = 1-38	xintxan = xintxan	3-65 = 1-38	txunen = txunen
3-66 = 1-36	ituen = ituen	3-66 = 1-36	yituen = yituen
3-67 = 1-37	ituen = ituen	3-67 = 1-37	yituen = yituen

Bidankoze, 1872		Uztarroze, 1975-90	
adizki-zenbakiak	adizkiak	adizki-zenbakiak	adizkiak
orainaldian		orainaldian	
3-05 = 1-10	tzu = tzu	3-05 = 1-10	duzu = duzu
3-06 = 1-08	duk = duk	3-06 = 1-08	duk = duk
3-07 = 1-09	dun = dun	3-07 = 1-09	dun = dun
3-45 = 1-19	dutzu = dutzu	3-45 = 1-19	tzu = tzu
3-46 = 1-17	tuk = tuk	3-46 = 1-17	tuk = tuk
3-47 = 1-18	tun = tun	3-47 = 1-18	tun = tun
iraganaldian		iraganaldian	
3-25 = 1-29	zunion = zunion	3-25 = 1-29	zunien = zunien
3-26 / 1-27	yon / ziua	3-26 / 1-27	yien / zia
3-27 / 1-28	yon / ziua	3-27 / 1-28	yien / zia
3-65 = 1-38	zuntion = zuntion	3-65 = 1-38	zuntien = zuntien
3-66 / 1-36	yition / ztiua	3-66 / 1-36	yitien / zria
3-67 / 1-37	yition / ztiua	3-67 / 1-37	yitien / zria

Mendibe, 1998		Ligi-Atherei, 1999	
adizki-zenbakiak	adizkiak	adizki-zenbakiak	adizkiak
orainaldian		orainaldian	
3-05 = 1-10	duxu = duxu	3-05 = 1-10	düdü = düdü
3-06 = 1-08	duk = duk	3-06 = 1-08	dük = dük
3-07 = 1-09	dun = dun	3-07 = 1-09	dün = dün
3-45 = 1-19	txu = txu	3-45 = 1-19	tützu = tützu
3-46 = 1-17	tuk = tuk	3-46 = 1-17	tük = tük
3-47 = 1-18	tun = tun	3-47 = 1-18	tün = tün
iraganaldian		iraganaldian	
3-25 / 1-29	xindien / zuxun	3-25 / 1-29	zünien / züzün
3-26 / 1-27	hien / zian ²⁴	3-26 / 1-27	hien / zia
3-27 / 1-28	hien / zunan	3-27 / 1-28	hien / ziña
3-65 / 1-38	xintien / zitzun	3-65 / 1-38	züntien / zütützün
3-66 / 1-36	hitien / zitian ²⁵	3-66 / 1-36	hütien / zütia
3-67 / 1-37	hitien / zitunan	3-67 / 1-37	hütien / zütüña

²⁴ Hau *zuan* batetik dator, agi denez, *ua* hori *ia*bihurtzean.²⁵ Kasu berean gaude, hau ere *zituan* batetik dator eta.

Koadroei behatu bat eman eta, agian nabarmenen ikusten dena orainaldiako adizki hauen artean ematen diren uztartzeak izan daiteke, hauek erabatekoak baitira, zein bere herriaren esparruan, jakina. Hots, *nor-nork* saileko 3-05, 3-06 eta 3-07 zk. etan eta 3-45, 3-46 eta 3-47 etan ditugun gaztelaniazko ‘tú lo(s) tienes’ –xuka/zuka, toka eta noka– bateratsu datozi *nor* saileko 1-10, 1-08 eta 1-09 zk. ko zein 1-19, 1-17 eta 1-18 zk. ko alokutiboekin, koadroetan ikus daitekeen bezala.

Iraganaldian, ordea, Zaraitzun bakarrik ditugu gainerako lekuetan gauzatzen ez diren bestelako uztartze guztiak; hots, hala Eaurtan nola Espartzan, beren arteko differentziaren bat gora-behera, *nor-nork* saileko 3-25, 3-26 eta 3-27 zk. etan eta 3-65, 3-66 eta 3-67 etan ditugun gaztelaniazko ‘tú lo(s) tenías’ –xuka, toka eta noka– bateratsu datozi, erabat, *nor* saileko 1-29, 1-27 eta 1-28 zk. ko zein 1-38, 1-36 eta 1-37 zk. ko alokutiboekin, koadroetan ere ikus daitekeen moduan.

Erronkarin uztartze hau zukako kasuetan dakusagu soilik: *nor-nork* saileko 3-25 eta 3-65 zk. ko adizkiak bateratsu datozi *nor* saileko 1-29 eta 1-38 zk. ko zukako alokutiboekin, baina hauekiko toka zein nokako kasuetan ez da gauza bera gertatzen.

Zaraitzuerara itzuliz, baina, eta hau da iruzkin xume honen mamia, uz-tarketa hori erabatekoia izan arren, ordezkaren bitxi bat gertatu bide zen inoiz, Eaurtan gutxienez, *nor* saileko 1-24 zk. ko *xintxan* adizkia –gaztelerazko ‘tú eras’ (xuketan) – *nor-nork* saileko 3-65 zk. ra –gaztelerazko ‘tú (te) los tenías’, itxura erreflexibo batez– ustez eraman zenean. Honen ondorioz, eta Zaraitzun bezala Erronkarin ere, 3-65 zk. ko adizkia 1-38 zk. koarekin uztartzen zenez edo, nahiago bada, 1-38ra ‘eramaten’ zenez, hona hemen, Eaurtan, akats larri horren ondorioz, *xintxan* hau ‘ziren’ en xukako alokutibo gisa, bera 1-24 zk. ko ‘xu’ kasurako egokia bada ere, arestian esan bezala.

Espartzako kasua bestelakoa iruditzen zaigu, kontuan hartu behar baita *nor-nork* saileko 3-36 eta 3-76 zk. ko kasueta rako –gaztelerazko ‘vosotros lo(s) teníais’, alegia – *zinien* (hau bai, Eaurtan bezala) eta *tzinien* ditugula, nondik, singularreko bigarren pertsonarako, agian –xukako erak erabiliz – *xinuen* (Eaurtan bezala) eta *xintuuen* itxaron zitezkeen. Haatik, bigarren pertsonan ditugun *xunen* (sing.) eta *txunen* (plur.) horiek orainaldiako *xu* eta *txu* direla-koetatik ekarriak diren susmoa dugu; hala ote dira?

Zaraitzueratik kanpoko behe-nafarreraren eta zubereraren kasuan –adierazpen honetarako adibide guztiak zukari egokituz eta Amikuzeako zein Zuberoako *ü* batzuen ahoskera zein laburbilketa batzuk bazter utziz–, lehen iku-si uztartzeak orainaldi bai, gauzatzen dira, baina iraganaldian ez, koadroei behatu bat emanet gero aise antzeman daitekeenez.

Gainera, *nor* saileko 1-29 eta 1-38 zk. etan, ‘zen’ eta ‘ziren’ adizkien xukako zein zukako alokutibo gisa kausitzen ditugun emaitzak orainaldiak era-kerri izanaren ‘usaia’ dute, gure uste apalean.

ETNOTE SUAK ETA BESTE

Azkenik, eta bere egunean hiru zatitan banatu genuen Eaurtari eskainiriko lan honi bukaera emateko, informatzaileen ahotik bildu lekukotasun batzuk ekarri ditugu hona, zenbait kasutan balio etnologiko interesgarriak era-kusten dituztenak, bestalde. Xuketan emaniko bi testuak bai adizkiak ema-

tean bai era horretako pasadizoak kontatzean informatzaile bikaina izan dugun andere Javierari zor zaizkio.

Gainerako informatzaileek ez zuten, elkarritzeta librean, xuka erabili, horetaz landa zera gaineratzen ahal dugula: Carmelok anitez hobeki ahoskatzen zuen Salvadorrek eta Pablok baino, hauei, zenbait pasartetan, nekez bai-zik ulertzten ez zaiela.

Ikusiko denez, galderak egitean saiatu ginen geure euskara, hein batean bederen, haienera moldatzten beraien aldetiko ulermena errazteko. Galderak, gainera, orraztu egin ditugu ondoren, neurri batean izan bada ere²⁶, era koherente eta txukun batez agertzeko asmotan. Irakurleak badakike, horrenbestez, zaritzuera hutsezko mintzamoldea informatzaileena dela eta ez gurea.

Eaurta-Ezkaroze errepeidea (Carmelo Krutxaga, 1990)

- *Zu gazte zintzalarik, karretarara noraño zagon egini?*
- Eáurtaráño²⁷; Aríberik Eáurtara ta... Eáurtarík Eskározera (zuzenduz:) Eáurtárik Eskározéra etzágón karréterárik; ez, geró e(g)in duté... geró ein duté, bai. Etzágón... karretérará etzágón, báizik ére Abúrgáñal'ártio, kandík altzíña éz, ta ní oróitzen²⁸ níz óngi egínik, karretéra korí...
- *orduan, Aezkoara gaindi fan zaiken Eaurtaraño?*
- Bai.
- *bai? Arike, Abaurregaña eta Eaurtaraño...*
- Eta Abúrrepáa...
- *Abaurrepea eta... Eaurtaraño?*
- Eáurtáraño, bai; kandík altzíñä etzágón karréterárik. Karretérara zagón, Otsági, Otságabitik Irúnberriira, ta kotxé bat ebiltzen zén... bí zamarirékin, etzágón autórik. Gero ein zuté ... kamió²⁹ bat, berrírik³⁰, ta... korrépondéniára... ermáten zuén bí zamarík kótxe batíán Irúnberri'r'ártio; ta geró, Irúnberririk, egutzén zen kotxea Irúñara –bai, Irúñara, kóna–, ta kála.
- *eta kotxe kartan zenbat jende fan zaiken?*
- Ah, pues... segúin... amaírur, amaláur... amabó(r)z, edo akáso yágo edo gútiago, segúin...
- *bi zamarik tiraturik?*
- Bai, bí zamárik, bai... bí zamári.
- *eta nola faten ziren? trostan? nola erraten da uskaraz 'al galope'?*
- E... uskáraz erráten zutén... laixtérrka!, laixtérrka faten zén!
- *zenbat denbora bear zuten Nabaskozera fateko?*
- Etzúen... ténpra xakiník. Ari z(r)elarik kótxeak, segído... eséri zutén kótxea... línea kortan, Irúnberri'r'ártio; ta kándik altzína áutöa, kon'ártio áutöa.
- *orduan, Ezkarozerik Eaurtara ez zen karrerarrik, e?*

²⁶ Adibidez, gure lehenengo galdera orraztean nahiago izan dugu *noraño* hitzaren muga-adlatiboa bere horretan uztea, zaritzueraz, gehienetan bederen, 'norartio' aditzen dela uste dugun arren.

²⁷ Arestiko orrieko oharrean aipatu denaren haritik, *Eáurtáraño* horrek darakusan muga-adlatiboa galderak eraginda egon liteke. Kasua errepikatuko da aurreraxeago, gainera.

²⁸ Zaraitzun, inoiz esan dugun moduan, *oritzentz* aditzen da gehienetan.

²⁹ *kamió(n)* aditzen ote den dirudi.

³⁰ Ez da oso garbi aditzen.

- Ez... éz-ez-ez. Zámári bat ebiltzen zén, peáton batekín Eáurtarík Otságabira, bai; baia gó, iór itzériz³¹ óngi, karréterara egiñík... áhöra, ya lo creo!
 - *eta noiz egin zuten Eaurtarik Ezkarozerañoko tramo?*
- Éniz orítzen, ez...
 - *baia zuk izaundu duzu?*
- Níbai, bái-bai... ní ére egon nitzán karretéra kortán trabajátzen!
 - *bai? eta zer lan egin zinuen?*
- Ah! pues píko bat artúta, píköarekín... lúrra mog(u)!, èdo karretilla bát, garetilla batzúr baiz... baiztién, karretillak ermán, falt’iten zuén lekúala; ta kála.
 - *eta jende anitz egon zen kan, lan egiten?*
- Bái-bai-bai... askí ere; éniz orítzen ézta’é zéma’zaudé(n); berrógei e(do) berrògeitámar edo... ór segúru aski...
 - *nagusi edo kapataz batekin edo...?*
- Kapáta bat. Eztait nóla déitzen zen.
 - *eta nongo zen? kemengo, Iruñako edo? Iruñarik kara fanik edo...?*
- Bai, kétarik faník; kandík étzen, kandík étzägon, etséreki.
 - *eta zenbat denbora bear izan zinien karreteraren egiteko?*
- Eníz orí-, askí fíte ere egin zutén, bai. Ni orítzen níz óngi... jornále gúti pagàtzen zutén; ta... astéa igartzén zen, ta ník berrògeitaíru pézta kobràtzen nituén, yágo éz. Ta... ník bezála bérzek ere bái.
 - *kori, astean?*
- Astían, bai; baia dírua gárbi.
 - *eta trabajari guziak ziren Eaurtako?*
- Ez, aníz lekútakò; aníz faten zén... kétarik iràgan zén ani(t)z. Ta aníz lekutarík fan zén. Karretérará... Eaurtárík Eskarozéra, eìn zutén ené... ené dén-bran; lén etzägon karretérarák.
 - *ogei urte edo, izanen zintuen³² zuk orduan?*
- Yágo! yágo... ogèitabós edo séi úrte banituén.

“Las Mugas” deritzon festa-eguna (Carmelo Krutxaga, 1990)

- *Eta zer da “Fiesta de las Mugas” edo, deitzen duten kori?*
- Ah, mágak? kan, Frántziak eta Espáñak iten duté, ègun bátez... faten dirá mûgen rekónozitzra. Ta kán egítzen duté askári bát, arági, frántzesék eta es-pánolek; iten duté kán... faten dirá rekónozitzrá mágak, bai.
 - *noiz egiten da kori? zein egunetan?*
- Éniz oróitzen zér egunéz... zér egun dén.
 - *zaraitzuarrak faten dira? zein erritarik?*
- Bai, bái-bai... Otságabi-...tík³³, ta... Eskározerik, f(u)áten dirá; béstse erriétarík ez. Ta... franzés, béstse bí erri, edo írur... áutxak, erràten báitakoré, áutxak; uskáraz, erràten dakoé aútxa.
 - *bai? frantzeska errateko?*
- Frantséa erráteko; gúk erràten dabegú... áutxa; etá franzésa.
 - *baia izanen dira uskaldunak, ez? Larrañekoak edo...*
- Larráneköák eta o... de bárñago.

³¹ Horrela aditzen dela dirudi, zer den ez dakigula.

³² Galdera hau oso ongi ulertu zuen Carmelok, usadio handiko ‘zintzan’ adizkia erabili ez genuen arren.

³³ Etenaldi bat egin izanari zor dakioka, agian, kasu honetan *-rik* gabe *-tik* erabili izana.

- *ez dakizua zein erritarik xiten diren mugara? Muga-festara? berze aldekoak zein erritako diren ez dakizu?*
- Ah...! mugará? pues... badago mendi bát erràten báitakoé... Óri, el púco de Óri, ta kán iten duté x... júntara, júntak... kan.
 - *baia zein erritarik xiten diren ez dakizu...*
- Éz-ez... a lo mejor, San Juan de Pie a Port (sic), dá urrénená... bai.
 - *eta Orin biltzen dira; rekonozitzen dute mugara...*
- Rekónozitzén té mágarrá ta... eíten duté egún bat oník, buen askarí... ta ¡viva la Pepa!
 - *eta bazkaria non egiten dute? zein lekutan?*
- Espáñakó ta Fráñzia-múgan, Orí(n).
 - *mendi-mendian? kan?*
- Méndi-méndian, kán-kan-kan... kan... ermáten duté arágia érritik...
 - *eta denbora gaixto dagolarik ez direa sartzen borda bateala edo?*
- Trénpra (sic) gáxto daonián bai, berzálá ez, méndian, kan.
 - *ermaten dute musikarik edo...?*
- Ez; éz-ez-ez... músikarík ez.
 - *eta bazkaldu ondoan?*
- Ah...! láur brínko... ta yá (e)sta. Autexák, franzésak, esértzen dirá aníz tenplátu.
 - *nola?*
- Autxák esértzen dirá... bazkáldu ondöán aníz tenplátu; dirá terrible gáuza kóitakò.
 - *zer arren, edaten dute mittika bat edo?*
- Bái-bai... anítz!... ánitz. Len, etzagon karréterarik, baia órai, bádagó káretéra, ta aútxak fáten dirá karretér(r)ará gaindí, Otságabíra, ta kán moz-kortzen díra; edáten duté koñák, ta anís... ta páxarán... ere bái, gáuza koi-tarík.
 - *eta zuekin, uskaraz xardokiten zuten?*
- Bai, uskaldunak d(i)relarík bai, urdérará ez, (zuzenduz:) erdérará ez, uskál-dunak sólo.

Artzaintzaren ingurukoak (Pablo Arozarena, 1992)

- *Bai? Erriberan egon zira? zein lekutan?*
- Así... kendík, Irùnberriñk... géro eon nintzán... irúr urtez.
 - *Irunberrin?*
- Bai, errítik be(r)zé ontara, berzé alderá³⁴. Geró, Baldorbará guziá; oròitzen níz Larrágon³⁵.
 - *eta Baldorban, zein erritan?*
- Órai yá ézkaudé³⁶: Gáldaraine, Subíza³⁷... Léoz éta Gáldarain da auétra (?)...
 - *baia koiek [aurrereneko biak] Oibarre ballekoak dira; Baldorban berze erri batzuk dira: Iratxeta, Leoz, Amatriain, Benegorri, Bezkiz...*

³⁴ berzé alderua aditzen ote den gaude.

³⁵ Larraga herria datorriga burura, nola ez, Orbaibarretik kanpo egon arren.

³⁶ Agian ‘eztaude’ itxaron zatekeen, gaur egun leku horietan ia inor ez dagoela kontuan harturik.

³⁷ Sabaiza behar luke, gure ustez, Subiza izeneko herria Erreniega –‘El Perdón’ ere deitua– mendiaaren hegoaldeko magalean kokaturik dagoenez.

- Kóitan éniz ego(n).
 - *zu zeinetan egon zira?*
- Galdarain, Oláz, Lèatx(i)é... ta... Moriônes... àlde kórtan.
 - *jende guti bizi da orai kor, e? erri koietan...*
- Beh! yá iór oreré³⁸, edo gúti.
 - *Gardalain bera ere txikin-txikina da...*
- Gàrdarain... orái, dèsapàrezitúdu (sic) dá... guziá.
 - *eta zu egon zintzalarik, zenbat familia zen kan?*
- Bós, séi... bó(r)z odo³⁹ séi; kén [Ilunberrin, alegia] badagó familia bat, kan, karrétan⁴⁰ egonik. Arúan (?) ez... fatián Zaitzuéla⁴¹ lémexko erría: Doméño. Bí mazté... bí aizpá ta bí anáe; láurak. Eta... geró, Tutrén, Tudélan, Béiren, Zaràkatzélun (sic), Mélida... Erríberkoík guziák. Xadában –Arágua... Sadába'rá Áraguakö– ta Tàustén? Táusten bí úrte.
 - *Tausten bi urte?*
- Táusten? bí urté... (...) eta bé(r)ze aldéa dá, Taustérik... Castelláira, Castellária...
 - *Castilliscar edo...? [galdera okerra, gurea]*
- Castilliscar dáo (...) góiti kortan; Xadabara... bàño góitiago. Bàea... Castilláira, La Virgen de la Castilla⁴²... zerá ortan ta kán ogéitabida úrte.
 - *etxetik kampoko temporadara, luze zena?*
- Bederátzi ilabeté...
 - *eta zenbat ardi zintuen⁴³?*
- Ník enuén ardirík; nausiák... míla biégun, míla irurégun árdi.

Eultzia (Javiera Urralburu, 1993)

- Fatén gintzaxún alòrréalá, talluarekín... talláriá gizóna, ta... ta màxklariá emaztékia; eta tallatzen zíxun, ta emáztekiák maxklátzen zíxun... axéka-axéka; ta géro, kúra, biltzen ginixún balétra, etsákai'atekin, etsakáiekìn, lotzéko... etsákai! bálaren lotzéko etsákaia; ta géro eráutzen gintz-... erótzen... ginixún? bálak, àbriarékin, llàrreniála, ta llárrena lénik prestàtzen ginixún erregátuz ta zanpátuz ta... al gínuen bezála, ta géro pues, edátzen ginixún eúltzia, egúna ónik bazágon, eta ábrekín, indarrásia... térrer-ter, ábrekín pikátzen ginixún, buélta emanéz, nójian béinka, aréari: gári bazén, edo ólo bazén edo zernái bázen.

Ta géro, pues artsáldian, géntzen giniakoxún lemizíko... pikátzen zenián, lemizíko... làstöá, kentzén giniakoxún, ta bérrez buélta emán eta bérze buélta bát abrékin, indárrásiarekìn, ta géro, biltzen ginixún yá eúltziá, agótza àlde bát ta ondárra berzé bat; ta áizea bazagón, áiziari: äizàtzen ginixún, leník

³⁸ Ohiko *ior ere* batetik *ior orere* horretarako *o* baten aldeko asimilazioa soma daiteke, alde batetik, eta soberaxko *ere* bat, bestetik.

³⁹ Beste asimilazio baten aurrean gara, itxura guztiaren arabera.

⁴⁰ Ez dago oso garbi.

⁴¹ 'Zaraitzura' da hori, noski.

⁴² Mapa batean ikusi dugunez, 'ermita de la Virgen del Castellar' delakoa Taustetik hegoekialde-rako norabidean dago kokaturik, Ebro ibaiaren ondoko Alagón herritik hurbil.

⁴³ Pablok ere ezeren eragozpenik gabe ulertu zuen lehenago aipatu 'zintuen' hori, nahiz galdera egitean, agian, 'zinuen' erabili beharko genukeen, eta Salvadorrek ere berdin, geroxeago ikusiko denez.

agótza, ta géro ondárra, ta ez bázeikén gárbi, ólabáiarékin... ermáten ginia-koxún agótza gen, ta géro, báiarékin, gària gárbi... ta yá está!

- eta 'maxkla', zer da?

- Máxkla... gári pues, bil. Tallúa érrékara, tallú-errékara... bil, áxea, máxkla-ra, el brazaö, máxkla; ta géro kurá, uzten xinuén riéka, balétra biltzekò.

- y 'erreka' a qué le dice? [Javierak une harten senar-emazte erdaldun bat bisitari zuela-eta galdera erdaraz egin genion]

- Erréka? lo que volca la dalla, lo que volca la dalla.

- 'erreka' también llamaban en Roncal al surco que hay entre, cuando se siembra...

- Ah! sí, eso también, errékara, eso también, porque es surco y... al fin y al cabo, pues, la ría que deja la dalla, también, es surco.

- y a la raya del pelo, en Roncal, también le decían 'erreka'...

- Erréeka [baieztatuz edo]

- ¿también? kemen ere bai?

- Bái-bai.

Artzaintzaren inguruko bideak (Salvador Karrika, 1995)

- Ardiekin ebili zira?

- Oái ez.

- denboraz bai? gazte-denboran?

- Bá-ba-ba... béti árztzai⁴⁴.

- eta noraño fan izan zira?

- Uhhh!... Bárdeala ta... Tzáragótsa ta Huésca ta... kóita.

- oinez? kemendik?

- Kéndik, kéndik, óñez, óñez; órai yá ez, órai faten dá aníz yá kamiónekin; boh! lén éb(i)liz, guziák. Zá(z)pi, zó(r)tzi, bed(e)rátzi, ámar, égun, ébliz.

- zein lekutarik igaretzen zintzan?

- Pues [bidé?] koitarík, kortík, faten gintzán, kendík, Kásedará...

- bai baia, Kasedara beño len... kemendik Ezkarozera edo nora?

- Éz-ez-ez-ez. Kendík, bérze bat; kendík... badá... Aizkúren dá besté erri bat. Erri txíkin batzuk.

- baia kemendik fatean ez zintzaen igaretzen Zaraitzuko erriean barrena?

- Ez, ez...

- kemendik, zuzen kara?

- Xúxen kára; kéndik xúxen kára.

- eta len-lenik zein erritara?

- Pues lemíziko èrria gún (?)... zéra, Arízkúren; géro kó(r)dik badá Ozkóidi-ra. Ozkóidi arró(i)l gortík yá Rípodasèra, ta Ripódaserik Irúnara [geroxeago zuzenduko du]; Iñùnarik Oibarrera, Oibàrrerik Kasédara (...) ta yá Bárdia-la, Bardénara.

- Ripodaserik Oibarrera?

- Oibár no, Irúnberriera.

- Irunberriera. Eta Irunberririk?

- Óibarrera, Áibarrera; eta kandík Kásedara.

- eta kandik?

⁴⁴ Agian 'arztrai', 'aztrai'... ere, izan liteke.

- Kandík, Kásedarík, ya... Kásedarík pues sartzé (?), Bárdenan sártzein, xártzen zén, yá Carcastillo, Zárrakaztél... Zárrakaztélurík zéríala, ya, Bárdiala sartzen zén.
- *Galipenzurik igare gabe?*
- Galípentezuik èz, kándik ez gintzén igási⁴⁵. Batzén [= baratzen] da Garìpe(n)zú izéeka (?) ezkérreala; gú apárte.
 - *orduan, Zaraitzuko errietarik ez zintzaen igaretzen...*
 - Éz-ez-ez... kéndik ez.
 - *zein dira Zaraitzuko erriak?*
 - Záitzuko erríak? pues yótzen dá kéndik ta kéndik eta báda ere, ba Otsái, eta Eskaróze ta... pues, zemát-, zomátzuk fáten (...), por ejemplo Otsa(g)íkóak, igàrtzen zán Eskarózeik, Ibilziéta, Ibiztárík eta... kára; gú kendík ez.
 - *ardi anitz eramatzen zinuen?*
 - Pues óri, según: zazpiégun, zortziégun, míla... míla ta... míla borzégun, ta en fin, kála... según.
 - *eta lo egin, non egiten zinuen lo?*
 - Pues... méndian, nón (t)zértzen zen; arbóle pétan, bérden. Tokátzen zai-danéan errietán, erriétan; tokátzen (...) pues méndian!
 - *eta euria⁴⁶ egiten bazuen?*
 - Pues euría éiten badú pues... bùstíta. Ánitz alditán bórdak zaudetxún⁴⁷ baia... ánitz aldíz pues al rás... al rás.
 - *eta xateko, zer?*
 - Xàtekó? ógi ta... ógi ta béti... ógi ta... béti urdáki ta... béti zerbáit.
 - *eta migak?*
 - Boh! gáuza korí, míga korí... je! ói béti!
 - *nola egiten ziren?*
 - Guk, zéra... éiten ginuén, míga, ogí ta (...), eta géro, zéra, mígak, obekién-obekién iten déna ta egúna (...) zérekin: séboarekin⁴⁸; órioa... eta kúek ta, ja.
 - *eta kara ellegatzug gero, zein erritan egoten zintzan?*
 - Ní eón nitzé urrían ta, Táusten, egón niz Táusten; egón niz Buñuélen, ègon niz... Karrá- (zuzenduz) Zarrákastél; ègon niz Baltiéra... ta géro ègon niz Táuste, eta géo kándi yá... t'Aragón, ta égonik nagó... Zaragózan. Ta géro... Huéscan, erán (?), Huésca... Kén fáten zintxán, ánitz fáten zén... ártzai, negúko, ta bérze ánitz fáten (t)zén ténbraz Frantziára, lànëala, ta géro... en fin, negúko fáten zén jènde guziák, jènde guziá kóitra, emázteak sólo bártzen zren kén, àrdi zienék árdiekin, eta... árdi⁴⁹ etzienerík Frántziara, ta géro Fràntziarík...
 - Ta fáten zén kéndik, al laö de Tudela báita... ór zér bat, èri bátzuk, Olíbara... or dié trujáles eta zerbáit? ta bueno. Fáten zén bí kuadrilla, eta kán, kuadrilla baték, pues... úda guzía edo négu guzián bílgorrarekin, ta bérze kuadríllak, bérek éiten báitzien órioa, nègu guziák... ório, órioarekin. Bueno, kizérek (?) éta, ustéz yá xinen tenbrá ta gáreren tenbrá pues yá xín egúna... xitéko, bueno pues yá aplíkatu z(r)én fatéko xúnto bí kuadrilla; bah, bérén... maxterrékin, fatéko bái bí kuadrilla. Ta kán bádagó, kan, ordóki án-

⁴⁵ ‘igari’ da hori, noski, errotazismoaren ondorioz *igási* aditzen bada ere.

⁴⁶ ‘euri’ egokiagoa izango zelakoan gaude, informatzailea, gainera, ‘arrastaka’ eraman genuela.

⁴⁷ *zaudetxén* aditzen dela dirudi.

⁴⁸ Geroxeago hitz honetaz oritu eta, *bilgorrara* esan zuen.

⁴⁹ *gárdi* aditzen ote den gaude.

di batzúk, de... Arguedas, Baltierra... Zárrakastelúra badú... ordòki ániz, eta, órioak, ório órekín (sic) ta xàten zéna ézin ségi bízi (...) edókitzen.

- *nola erran duzu? 'orio orrekin xaten zena'...?*

- Xàten zuénak, anítzekin... ézin... bilgórrarekin xàten zuénak anítzékín fuértiao; ezín ségi.

- *orduan bilgorrara obe da ezik orioa...*

- Bilgórrar obiáö, anítz óbiago. Eta géro, oái, sin embargo, bilgórra pues sí, tíra! tíra!... Ní egon níz... bé(i)n orítzen nitzán nola eon nitzán, ègun guzián, mayáztetik eta... no, desde setiembre, urr(i)étik hasta... mayátzialáño, kan, Bardenán, èrdi-erdián, bilgórrara, xan, béti bilgorrára, tzópa ta zópa ta bilgórrak eré; ordúan míga, míga, míga, míga... bo(r)z-séi ilabéte, bát geyagorík (...), eta fuérte...!

- *eta noiz faten zintzan kara, eta noiz itzultzen?*

- Pues... fáten nitzán... úrriän, setiénbréan, eta... itzulí pues, máyatza.

- *fan, sanmigeletan?*

- Bai, samíletan fán, eta primáberán yá... orái, buélta.

Ama Berjina Xuria (Javiera Urralburu, 1998)

- *Ermita korrek zer du izen?*

- Virgen de la Blanca...

- *bai? eta uskaraz nola erraten dakoe?*

- Àma Bérjina Xúria. Bai... ta erráten zixún kóri, Àma Bérjina Xúria.

- *eta festa noiz da? egiten dea romeria edo...?*

- Pues... egún ketan izan txugú féstak; pues astéazkenéan bukátu xi-, astéar-tian bukátu xintxán, bai, ta... en honor a... Amá Bérjina kóri.

- *eta zer, egiten da festarik ermitan?*

- Bai; pues... sonátsen xié mezán, ta akúditzen xú mezára, jéndiak, èta... báitago... goitixeagótto erría beño. Eta géro, mezáztk (sic) landa, emáten xié aperitíbo bát... gázta, ógi eta árdo, ta ú(r)s, nài duénak, ta... dantzátreñ xié, los bailes... dántza... tipikóak? ebénköak (...) kéngök.

- *bai? kengoak edo Otsagikoak?*

- Éz-ez-ez... kéngök.

- *kemen ere badira dantza tipikoak, eztea?*

- Bai, nexkátuek.

- *ah... Axuribeltza?*

- Eeoso! xú'badakíxu? 'atzúribéltza' ta... bésté dántza bát ere bái.

- *eta xuk badakixua nola den 'axuribeltza' kori?*

- Ez, eztiákíxut, ez báinitz élki kéndrik (sic), etxút ikúsi apénas... nola dantzatzen trén ere, báia... apérítiboa artú, eta se conoce que dantzatzen tréla... érríko dántzak, errí ko(n)tan.

- *eta zer geiago egiten da? kori solo?*

- Kóri sólo; géro sáuntsí, èrrialá, eta yá... musíkan... ratóxko bát, eta bázkal, bázkáltzra. Xíten xinuén erríala jénde, askáltietán ín eta kála... pues bázkal. Ta géro, artsàldián, pelotáriak xitén txu, ta partída xokatzén txie, báita... báita... frontóna! Y xókatzen txié ta, géro báilià!... étxu bérste... dibérsiorík, ta... ídia... èrretzén!...

- *idia erretzen?*

- Bai, artsàldian, ártsian.

- *suzko zezena edo ‘torico de fuego’ edo kori?*
- Bai, kóri, étxu bérzeren... dibértsiu, ta dántzara, dántzak! dántzatzekò... bésterek déus’e! Ta géro, extixút bigárren edo irurgárren egúnénan, aurrén txoko-latádara; ta azkén egúnián, laurgárren egúnián, barríde(e)k... bazkária. Juntátzen xié... étse batíán, eta... orái, dedíkatu xu jendía... Konpañíaren... bazkária, Konpañía... baték eráutzen xú bazkária. Ta géro yá(e)sta ‘pobre de mí’ ta, bukátreñ txu... féstak.
- *kori ere kantatzen dute, e? Iruñan bezala...*
- Bai; kála! bàia... ní eníxu élki éz (...) ióra baia, éz ikúsi ére járik ere, kónan (sic) étxu igáten; len... emàten zixién buélta músikuek, orái bátre, béti... kála!

BIBLIOGRAFIA ETA BESTE

- ALZOLA GEREDIAGA, N., “Una carta de D. Pedro José Samper, Vicario de Jaurrieta, dirigida al Príncipe Luis Luciano Bonaparte”, *Príncipe de Viana*, año 19, núms. 72-73. Iruña, 1958.
- ARANA, A., *Zaraitzuko Hiztegia*, Nafarroako Gobernua eta Hiria Liburuak, 2001.
- , *Zaraitzuko uskara*, Nafarroako Gobernua eta Hiria Liburuak, 2002.
- ARTOLA, K., “Fidela Bernat anderea, euskal hiztun erronkariarra (I) eta (II)”, *FLV*, 58 eta 85, 1991 eta 2000, hurrenez hurren.
- , “Zaraitzuera aztertzeko ekarpenei berriak” (1 eta 2), *FLV*, 91 eta 92, 2002-3.
- AZKUE, R. M. de, *Diccionario vasco-español-francés* (repr. facsímil), Edit. La Gran Encyclopédia Vasca, Bilbo, 1969.
- BONAPARTE, L. L., *Carte des sept provinces basques montrant la délimitation actuelle de l'eucara et sa division en dialectes, sous-dialectes et variétés*, Londres, 1863.
- , *Le cantique des trois jeunes gens dans la fournaise, dans les dialectes basques d'Aezcoa, de Salazar et de Roncal (...)*, Londres, 1868.
- , *Études sur les trois dialectes basques des vallées d'Aezkoa, de Salazar et de Roncal, tels qu'ils sont parlés à Arike, à Jaurrieta et à Vidangoz*, Londres, 1872.
- CAMINO LERTXUNDI, I., *Aezkoako euskararen azterketa dialektologikoa*, Nafarroako Gobernua, 1997.
- ECHAIDE ITARTE, A. M., *El euskera en Navarra: Encuestas lingüísticas (1965-1967)*, Eusko Ikaskuntza, Donostia, 1989.
- ESTORNÉS LASA, J., “Zoiolo’ren uulta. La cosecha de Zoilo”, *FLV*, 45, 1985.
- EUSKALERRIA IRRATIA, *Nafarroako euskaldunen mintzoak (II)*, Nafarroako Gobernua, 1993.
- LAN TALDEA, *Bonaparte ondareko eskuizkribuak - zaraitzera*, Deustuko Unibertsitatea (Deiker), Euskal Ikaskuntzen Institutua, Bilbo, 1997.
- MITXELENA, K., “Un catecismo salacenco”, *FLV*, 39, 1982.
- SATRUSTEGI, J. M., *Euskal testu zaharrak - Zaraitzu* (1780), Euskaltzaindia, 1987.
- , “Zaraitzuko euskararen lekuoa”, *Luis Villasanteri Omenaldia, Iker - 6*, Euskaltzaindia, 1992.
- YRIZAR, P. de, *Morfología del verbo auxiliar roncalés*, Euskaltzaindia, 1992.
- , *Morfología del verbo auxiliar bajo navarro occidental*, Euskaltzaindia, 1999.
- , *Morfología del verbo auxiliar bajo navarro oriental (I-II-III)*, Euskaltzaindia, 1999-2002.
- , *Morfología del verbo auxiliar suletino*, Euskaltzaindia, 2003.

ESKUIZKRIBUAK

ITZALLE (IZAL), 1727:

Doctrina Uscaras Dn Benito Gil escrivituric ver governuarendaco. Yzallen Avenduaren amalaurgarrenean, urte mila zazpitán eun eta ogei eta zazpietan, Bonaparte printzearen testamentariako eskuizkribua, Nafarroako Diputazioaren Artxibo Orokorean.

IGARI (IGAL), ??:

Lengua euskara, nº 10 – Catecismo en bascuence, dialecto vulgar de Igal. Iruñeko Artxiboa-an aspaldi fotokopiaturiko orriean ez dugu bestelako erreferentziarik ikusten. Bonaparte printzearen testamentariako eskuizkribua, Nafarroako Diputazioaren Artxibo Orokorean.

ORONTZE (ORONZ), 1857:

Lehenengo orrialdean zera irakur daiteke:

Abrégé de la Doctrine Chrétienne en le Dialecte Basque qu'ont parle dans le Val de Salazar Province de Navarre (Espagne), eta particulièrement dans le Village de Oronz du même Val, présentée en cadeau a Monséigneur le Prince Imperial de France Lucien Bonaparte, dans la Ville de Ochagavia. Le 6 Novembre de 1857.

Azkeneko orrialdean, berriz, honako eskaintza xumea ageri da: *A Fr. Miguel Garcia, Abad intº de Oronz*, eta, horren azpian, *Atanasio Urrutia*.

Bonaparte printzearen testamentariako eskuizkribua, Nafarroako Diputazioaren Artxibo Orokorean.

OTSAGI (OCHAGAVIA), 1834:

Doctrina cristiana en bascuence, escrita en 1834 y añadida años anteriores con varias preguntas y respuestas necesarias y principalmente sobre la misa, confesión y comunión. Del Mro. de Ochagavía Juan Marco Juanco. Cristioen Doctrinaren declaracioa pregunta eta errespuestaequi. Bonaparte printzearen testamentariako eskuizkribua, Nafarroako Diputazioaren Artxibo Orokorean.

EAURTA (JAURRIETA), 1866:

Catecismo doctrina cristianarna, Aita Gaspar de Astetec compondua, zoin corregitric eta añadienzequin publicacenbaita Exmo. eta Illmo. Ssaun Doctore Don Pedro Cirilo Uriz eta Labairu, Yruñaco Obispoaren ordenez bere obispadocoen usutaco. Don Pedro José Samper eta Elizari Eaurtaco Ápez Ssaunac bere errico uscarala izuliric bere feligresen usutaco – Eaurtan. 1866. Bonaparte printzearen testamentariako eskuizkribua, Nafarroako Diputazioaren Artxibo Orokorean.

EAURTA (JAURRIETA), 1869:

Jesucristo gure Jaunaren Evangelio sandua Segundo San Mateo. Don Pedro José Samper, Eaurtaco ápez Ssaunac, Aita Amaten erdaratic Eaurta bereko uscarala itzulia – 1869. Bonaparte printzearen testamentariako eskuizkribua, Nafarroako Diputazioaren Artxibo Orokorean. Hona, itzulpenerako, Samperrek erabili zuen testua:

“Nuevo Testamento – Traducido de la vulgata latina teniendo a la vista los textos originales, por el P. José Miguel Petisco, S. J., dispuesta y publicada por el Ilmo. Sr. D. Félix Torres Amat”.

Kontsultarako erabili dugun argitarapena, berriz, honako hau:

“5ª edición. Editorial Apostolado de la Prensa, S. A. Madrid, 1960”.

LABURPENA

Hirugarren saio honen bidez, zeinean ‘nor-nori-nork’ saileko adizki tripertso-nalak agerian ezarri ditugun, *Zaraitzuera aztertzeko ekarpen berriak* izenburu orokorrarenpean Eaurtako euskarari eskaini diogun ahalegin jarraituari amaiera ematera gatozkio. Hurrengo saioetan, ahal den neurrian eta ditugun datuen arabera beti ere, Zaraitzuko ibarreko beste zenbait herritan –Otsagi, Ezkaroze, Orontze eta Espartza, hain zuzen- eskuratu informazioa, gehi Ibiztan bildu apurren bat, lerro hauetara ekarri nahi genuke. Zaraitzuko euskara Louis-Lucien Bonaparte printze euskaltzaleak egindako mapa zoragarrian ekialdeko behe-nafarreren esparruan kokaturik agertzen da, horretarako arrazoi nagusienetarik bat, antza, errespetuzko alokutibotasunaren erabilera izaki, ekialdeko euskalkien ezaugarri.

RESUMEN

Por medio de esta tercera entrega, en la que hemos presentado formas tripersonales del tipo ‘nor-nori-nork’, damos fin al trabajo que, bajo el título gené-

rico de *Zaraitzuera aztertzeko ekarpene berriak*, hemos dedicado en una primera instancia a comentar de forma sencilla algunas características del habla vasca del pueblo de Jaurrieta, en el valle de Salazar. En próximas entregas trataremos hacer algo semejante valiéndonos de datos recogidos en otros pueblos de dicho valle, como Ochagavía, Ezcarroz, Oronz y Esparza. El euskara de este valle fue incluido por el vascófilo príncipe Louis-Lucien Bonaparte, en su meritísimo mapa, dentro del dialecto bajonavarro oriental, siendo, al parecer, una de las razones de mayor peso para tal inclusión el empleo en dicho euskara de la alocución respetuosa, común a los dialectos orientales.

RÉSUMÉ

Grâce à cette troisième livraison, où nous avons présenté des formes tripersonnelles du type ‘nor-nori-nork’, nous mettons le point final à ce travail où, sous le titre générique *Zaraitzuera aztertzeko ekarpene berriak*, nous avons tout d’abord commenté d’une façon simple, quelques caractéristiques du parler basque du village de Jaurrieta, dans la vallée du Salazar. Dans de prochaines livraisons, nous essaierons de faire la même chose en nous servant des données recueillies dans d’autres villages de cette même vallée, tels qu’Ochagavía, Ezcarroz, Oronz et Esparza. L’euskara de cette vallée fut inclus par le prince bascophile Louis Lucien Bonaparte dans le dialecte bas navarrois oriental sur sa carte très méritoire, l’emploi dans ledit euskara de l’allocution respectueuse, commune à tous les dialectes orientaux étant, semble-t-il, une des raisons de plus grand poids pour une telle décision.

ABSTRACT

This third instalment, which deals with verb forms of the type ‘nor-nori-nork’, brings to a close the work which, under the general title of *Zaraitzuera aztertzeko ekarpene berriak*, has mainly centred itself on commenting, in simple terms, some of the characteristics of the Basque spoken in the village of Jaurrieta in the Valley of Salazar. Further instalments will attempt to do something similar using information collected from other villages in the valley, such as Ochagavía, Ezcarroz, Oronz and Esparza. The Basque language from this valley was included within the Eastern “Basse Navarre” (Lower Navarran) dialect by the scholar of Basque, Prince Louis-Lucien Bonaparte in his commendable map. One of the main reasons for such a decision was, it would appear, the use in this version of the language of the respectful speech forms common to Eastern dialects.